

漢

書

+





五行志卷第七下之上

班固

漢書

二十七



秘書監上護軍琅邪縣開國子顏



傳曰思之不容是謂不聖厥咎霽

師古曰霽音莫豆反

厥罰

恒風厥極凶短折時則有脂夜之妖時則有華孽

時則有牛禍時則有心腹之病時則有黃責黃祥

時則有金木水火沴土思心之不睿是謂不聖思

心者心思慮也容寬也孔子曰居上不寬吾何以

觀之哉

師古曰論語載孔子之言

言上不寬大包容臣下則不能

居聖位貌言視聽以心為主四者皆失區霽無識

師古曰區音口豆反霽音莫豆反其下並同

故其咎霽也雨旱寒奧亦以風

爲本

師古曰輿音於六反

四氣皆亂故其罰常風也常風傷物

故其極凶短折也傷人曰凶禽獸曰短中木曰折

師古曰古草字

一曰凶夭也兄喪弟曰短父喪子曰折在人

腹中肥而包裹心者脂也心區霽則冥晦故有脂

夜之妖

師古曰脂妖及夜妖

一曰有脂物而夜爲妖若脂水夜

汗人衣淫之象也一曰夜妖者雲風並起而杳冥

故與常風同象也溫而風則生螟螣

師古曰螣音徒得反

有裸

蟲之孽

師古曰裸亦言穢字也從衣果聲

劉向以爲於易巽爲風爲木卦

在三月四月繼陽而治主木之華實風氣盛至秋

冬木復華故有華孽一曰地氣盛則秋冬復華一

曰華者色也土爲內事爲女孽也於易坤爲土爲
牛牛大而心不能思慮思心氣毀故有牛禍一曰
牛多死及爲怪亦是也及人則多病心腹者故有
心腹之病土色黃故有黃書黃祥凡思心傷者病
土氣土氣病則金木水火沴之故曰時則有金木
水火沴土不言惟而獨曰時則有者非一衝氣所
沴明其異大也其極曰凶短折順之其福曰考終

命

師古曰壽考而終其命

劉歆思心傳曰時則有羸虫之孽謂

螟螣之屬也庶徵之常風劉向以爲春秋無其應釐

公十六年正月六鵲退蜚過宋都

師古曰鵲音五秋反

左氏傳

曰風也劉歆以為風發於它所至宋而高鵬高蜚

而逢之則退經以見者為文故記退蜚傳以實應

著言風常風之罰也象宋襄公區霄自用不容臣

下逆司馬子魚之諫而與彊楚爭盟師古曰子魚公子目夷也桓公之子

而為司馬爭盟謂為鹿上之盟以求諸侯於楚子魚諫曰小國爭盟禍也公不聽之後六年為楚所執師古曰

曰僖二十一年楚執宋公以伐宋距六鵬退飛凡六年應六鵬之數云京房易傳曰潛

龍勿用師古曰乾初九爻辭眾逆同志至德廼潛厥異風其風也

行不解物不長師古曰不解物謂物逢之而不解散也不長所起者近也雨小而傷政悖

德隱茲謂亂厥風先風不雨大風暴起發屋折木

守義不進茲謂耄厥風與雲俱起折五穀莖臣易

上政茲謂不順厥風大熒發屋

師古曰熒疾風也音目必選反

賦斂不

理茲謂禍厥風絕經紀

如淳曰有所破壞絕匹帛之屬也晉灼曰南北為經東西為緯絲因風暴

亂不端理也

止即溫溫即蟲侯專封茲謂不統厥風疾而

樹不搖穀不成辟不思道利茲謂無澤

師古曰道讀曰導不思導

示於下而安利之

厥風不搖木旱無雲傷禾公常於利茲謂

亂

師古曰公上爵也常於利謂心常求利也

厥風微而溫生蟲蝗害五穀棄

正作淫茲謂惑厥風溫螟蟲起害有益人之物侯

不朝茲謂叛厥風無恒地變赤而殺人文帝二年

六月淮南王都壽春大風毀民室殺人劉向以為

是歲南越反攻邊淮南王長破之後年入朝殺漢故

丞相辟陽侯上赦之歸聚姦人謀逆亂自稱東帝
見異不寤後遷于蜀道死靡文帝五年吳暴風雨
壞城官府民室時吳王濞謀爲逆亂天戒數見終
不改寤後卒誅滅五年十月楚王都彭城大風從
東南來毀市門殺人是月王戊初嗣立後坐淫削
國與吳王謀反刑僂諫者師古曰謂楚相張尚太傅趙夷吾也僂古戮字下皆類此吳
在楚東南天戒若曰勿與吳爲惡將敗市朝王戊
不寤卒隨吳亡昭帝元鳳元年燕王都薊大風雨
師古曰薊縣名燕國之所都拔宮中樹七圍以上十六枚壞城樓燕
王旦不寤謀反發覺卒伏其辜釐公十五年九月

己卯晦震夷伯之廟

師古曰夷伯司空無駭之後本魯公族也號展氏

劉向以

爲晦暝也震雷也夷伯世大夫正晝雷其廟獨冥

師古曰冥暗也

天戒若曰勿使大夫世官將專事暝晦明年

公子季友卒果世官

師古曰謂季友之孫行父仍執政專國自此以後常爲卿

政在季

氏至成公十六年六月甲午晦正晝皆暝陰爲陽

臣制君也成公不寤其冬季氏殺公子偃

師古曰爲季文子所

殺也已解於上

季氏萌於釐公

師古曰萌喻草木始生也言其始有威權

大於成公此

其應也董仲舒以爲夷伯季氏之孚也

師古曰孚信也所信任之臣也

陪

臣不當有廟震者雷也晦暝雷擊其廟明當絕去

僭差之類也向又以爲此皆所謂夜妖者也劉歆

以為春秋及朔言朔及晦言晦人道所不及則天

震之展氏有隱慝故天加誅於其祖夷伯之廟以

譴告之也成公十六年六月甲午晦晉侯及楚子

鄭伯戰于鄢陵皆月晦云隱公五年秋螟董仲舒

劉向以為時公觀漁于棠貪利之應也師古曰棠魯地也陳漁者之事

而觀之也劉歆以為又逆臧釐伯之諫師古曰臧僖伯公子彊也孝公之子諫觀漁

貪利區霜以生贏蟲之孽也八年九月螟時鄭伯

以邴將易許田師古曰鄭祀泰山之邑也音彼命反已解於上有貪利心京房易

傳曰臣安祿茲謂貪厥災蟲蟲食根德無常茲謂

煩蟲食葉不絀無德蟲食本與東作爭茲謂不時

師古曰奪曲辰時也

蟲食節蔽惡生薛子蟲食心

師古曰蔽謂惡人蔽君之明為災孽也

嚴公六年秋螟董仲舒劉向以為先是衛侯朔

出奔齊齊侯會諸侯納朔

師古曰朔謂惠公也桓十六年以左公子黜右公子職立公子

黔牟故惠公奔齊至莊五年會齊人宋人蔡人伐衛而納惠公也

許諸侯賂

師古曰諸國各有賂齊人歸

衛寶魚魯受之

師古曰以代衛所獲之寶來歸魯

貪利應也文帝後六

年秋螟是歲匈奴大入上郡雲中逢火通長安遣

三將軍屯邊三將軍莊京師

師古曰並日解於上

宣公三年郊

牛之口傷改卜牛牛死劉向以為近牛禍也是時

宣公與公子遂謀共殺子赤而立

師古曰已解於上也

又以喪

娶

師古曰宣元年正月公子遂如齊逆女二月遂以夫人婦姜至自齊時成公喪制未除

區霽昏亂亂成

於口幸有季文子得免於禍天猶惡之生則不饗

其祀

師古曰謂郊牛傷死是天不欲饗其祀

死則災燔其廟

師古曰成三年新宮災新宮者宣之

廟也以其新成故謂之新宮

董仲舒指略同秦孝文王五年游胸衍

有獻五足牛

師古曰胸衍地名在北地胸音許于反

劉向以為近牛禍也先

是文惠王初都咸陽廣大宮室南臨渭北臨涇思

心失逆土氣足者止也戒秦建止奢秦將致危亡

如淳曰建立基止泰奢泰

秦遂不改至於離宮三百復起阿房未

成而亡一曰牛以力為人用足所以行也其後秦

大用民力轉輸起負海至北邊

師古曰負海猶言北負海也

天下叛

之京房易傳曰興繇役奪民時厥妖牛生五足景

帝中六年梁孝王田北山有獻牛足上出背上劉

向以爲近牛禍先是孝王驕奢起苑方三百里宮

館閣道相連三十餘里納於邪臣羊勝之計欲求

爲漢嗣刺殺議臣爰盡事發負斧歸死旣退歸國

猶有恨心內則思慮霽亂外則土功過制故牛駝

作足而出於背下奸上之象也師古曰奸犯也音干猶不能自

解發疾暴死又凶短之極也左氏傳昭公二十一

年春周景王將鑄無射鍾師古曰鍾聲中無射之律也射音弋石反泠州鳩

曰應劭曰泠官也州鳩名也師古曰樂官王其以心疾死乎夫

天子省風以作樂應劭曰風土地風俗也省中和之風以作樂然後可移惡風易惡俗也臣瓚曰省風

俗之流遁作樂以救其敝也
師古曰應說是也省觀也

小者不窕大者不撝

師古曰窕輕小也撝

橫大也窕音它堯反撝音胡化反

撝則不容心是以感感實生疾今鍾

撝矣王心弗或

孟康曰古堪字

其能久乎劉向以為是時

景王好聽淫聲適庶不明

師古曰適讀曰嫡謂太子壽詩卒王立子猛為嗣後又欲立子朝也

思心霧亂明年以心疾崩近心腹之病凶短之極

者也昭二十五年春魯叔孫昭子聘于宋元公與

燕飲酒樂語相泣也

師古曰昭子叔孫婁也元公宋平公子也相泣相對而俱泣也

樂祁

佐

師古曰樂祁宋司城子梁也佐佐酒

告人曰今茲君與叔孫其皆死乎

吾聞之哀樂而樂哀皆喪心也

師古曰哀樂可樂而反哀也樂哀可哀而反樂也喪

失之也

心之精爽是謂魂魄魂魄去之何以能久冬十

月叔孫昭子死十一月宋元公卒昭帝元鳳元年
九月燕有黃鼠銜其尾舞王宮端門中往視之鼠
舞如故王使夫人以酒脯祠鼠舞不休夜死黃祥
也時燕刺王旦謀反將敗死亡象也其月發覺伏
辜京房易傳曰誅不原情厥妖鼠舞門成帝建始
元年四月辛丑夜西北有如火光壬寅晨大風從
西北起雲氣赤黃四塞天下終日夜下著地者黃
土塵也是歲帝元舅大司馬大將軍王鳳始用事
又封鳳母弟崇爲安成侯食邑萬戶庶弟譚等五
人賜爵關內侯食邑三千戶

師古曰譚商音
根逢時凡五人

復益封

鳳五千戶悉封譚等為列侯是為五侯哀帝即位

封外屬丁氏傳氏周氏鄭氏凡六人為列侯師古曰外戚傳

傳太后弟子喜封高武侯晏封孔鄉侯商封汝昌侯同母弟

子鄭業為陽信侯丁太后兄明封陽安侯子滿封平周侯傳氏鄭

氏侯者四人丁氏侯者二人今此言六人為列侯其數是也傳

氏丁氏鄭氏則有之而不見周氏所出志傳不同未詳其意楊宣

對曰五侯封曰天氣赤黃丁傳復然服虔曰楊宣諫大夫也此

殆爵土過制傷亂土氣之祥也京房易傳曰經稱

觀其生師古曰易觀卦上九爻辭言大臣之義當觀賢人知其性

行推而貢之否則為聞善不與茲謂不知師古曰徒知之而已

不能進助也厥異黃歇各龍首厥災不嗣黃者曰上黃光

不散如火然有黃濁氣四塞天下蔽賢絕道故災

異至絕世也經曰良馬逐

師古曰此易大畜九三爻辭

逐進也言大

臣得賢者謀當顯進其人否則為下相攘善

師古曰攘

卻也言不進達之也一曰攘因也因而竊取曰攘音人羊反

茲謂盜明歟咎亦不嗣至於

身僂家絕

師古曰僂古戮字

史記周幽王二年周三川皆震

應劭曰震地震三川竭也師古曰三川涇渭洛也洛即漆沮也川自震耳故將雍塞非地震也

劉向以為金木

水火沴土者也伯陽甫曰

服虔曰周太史

周將亡矣天地之

氣不過其序若過其序民亂之也陽伏而不能出

陰迫而不能升

應劭曰迫陰迫陽使不能升也

於是有地震今三川

實震是陽失其所而填陰也

應劭曰失其所失其道也填陰為陰所填不得升也師古

曰填音竹刃反

陽失而在陰原必塞

師古曰原謂水泉之本也

原塞國必

亡夫水土演而民用也

應劭曰演引也所以引出土氣者也師古曰演音衍

土無所

演而民乏財用不亡何待昔伊雒竭而夏亡河竭

而商亡今周惠如二代之季其原又塞塞必竭川

竭山必崩夫國必依山川山崩川竭亡之徵也若

國亡不過十年數之紀也是歲三川竭岐山崩劉

向以爲陽失在陰者謂火氣來煎枯水故川竭也

山川連體下竭上崩事執然也時幽王暴虐妄誅

伐不聽諫迷於褒姒廢其正后

師古曰褒姒褒人所獻之女也正后申后也蓋白華

之詩所爲作也

廢后之父申侯與犬戎共攻殺幽王一日其

在天文水爲辰星辰星爲蠃夷月食辰星國以女

亡幽王之敗女亂其內夷攻其外京房易傳曰君

臣相背歟異名水絕

師古曰有名之水

文公九年九月癸酉

地震劉向以爲先是時齊桓晉文魯釐二伯賢君

新沒

師古曰齊桓晉文二伯也魯僖賢君也伯讀曰霸

周襄王失道

師古曰謂避叔帶之難而出奔失爲

君之楚穆王殺父

師古曰穆王商臣也殺其父成王也

諸侯皆不肖權傾於

下天戒若曰臣下彊盛者將動爲害後宋魯晉莒

鄭陳齊皆殺君

師古曰文十六年宋人殺其君杵臼十八年襄仲殺惡宣二年晉趙盾殺其君夷臯文十八年

莒弑其君庶其宣四年鄭公子歸生弑其君夷十年陳夏徵舒殺其君平國文十八年齊人殺其君商人

諸震略皆從

董仲舒說也京房易傳曰臣事雖正專必震其震

於水則波於木則搖於屋則瓦落大經在辟而易

臣茲謂陰動

服虔曰經常也辟音刑辟之辟蘇林曰大經五行之常經也在辟衆陰犯殺其上也師古曰辟讀曰

僻謂常法僻壞而易臣也

歟震搖政宮大經搖政茲謂不陰歟震

搖山山出涌水嗣子無德專祿茲謂不順歟震動

丘陵涌水出襄公十六年五月甲子地震劉向以

爲先是雞澤之會諸侯盟大夫又盟

師古曰雞澤衛地也襄三年公會單

子晉侯宋公衛侯鄭伯莒子邾子齊世子光己未同盟于雞澤陳侯使袁僑如會戊寅叔孫豹及諸侯大夫及陳袁僑盟也

是歲

三月諸侯爲梁之會而大夫獨相與盟

師古曰經書諸大夫

盟謂晉宋衛鄭曹莒邾薛杞小邾之大夫

五月地震矣其後崔氏專齊欒盈

亂晉良霄傾鄭閭殺吳子燕逐其君楚滅陳蔡

師古

曰崔氏齊卿崔杼也欒盈晉上大夫欒桓子之子懷子也二十一年奔楚二十三年復入于晉而作亂自良霄鄭大夫伯有也三十年子皙以駟氏

之甲伐而焚之伯有奔離梁遠奔許晨自墓閉之實入介于襄庫以伐舊北門駟帶率國人伐之伯有死于羊肆閭守門者也吳子餘祭也吳入伐越獲俘焉以為閭使守舟三十九年餘祭觀舟閭以刀殺之燕北燕國也昭三年冬燕大夫殺公之外嬖公懼奔齊昭八年楚師滅陳十一年楚昭公十九年五月己卯地震劉向以為是時滅蔡也

季氏將有逐君之變其後宋三臣曹會皆以地叛

師古曰二十年宋華亥向寧華定出奔陳二十一年自陳入于宋南里以叛曹會大夫公孫會也二十年自鄭出奔宋穀梁傳曰自鄭者專鄭

也鄭會之邑也蔡莒逐其君吳敗中國殺二君師古曰昭二十一年

鄭音莫風反蔡人信費無極之言出蔡侯朱朱出奔楚二十三年莒子庚麇虐而好劍國人患之秋七月烏存帥國人以逐之庚麇出奔魯戊辰吳敗楚頓

胡沈蔡陳許之師于雞父二十三年八月乙未地震劉向胡子駘沈子逞滅是也

以為是時周景王崩劉單立王子猛尹氏立子朝

師古曰已其後季氏逐昭公黑肱叛邾師古曰黑肱邾大夫也三十一年經解於上

書邾黑肱以濫來奔濫邾邑

吳殺其君僚

師古曰二十七年吳公子光使專設諸抽劍刺王是也

宋五

大夫晉二大夫皆以地叛

師古曰定十年宋公之弟展暨仲它石彊出奔陳十一年春展及仲

它石彊公子地自陳入于蕭以叛秋宋樂大心自曹入于蕭十三年晉荀寅士吉射入朝歌以叛

哀公三年四月

甲午地震劉向以為是時諸侯皆信邪臣莫能用

仲尼盜殺蔡侯齊陳乞弑君

師古曰哀四年經書盜殺蔡侯申左氏傳曰蔡昭侯將如

吳諸大夫恐其又遷也公孫翩逐而射之入于人家而卒陳乞齊大夫陳僖子也六年乞殺其君荼荼景公之子安孺子也荼音大胡反惠

帝二年正月地震隴西厭四百餘家

師古曰厭音一甲反次下亦同

武

帝征和二年八月癸亥地震厭殺人宣帝本始四

年四月壬寅地震河南以東四十九郡北海琅邪

壞祖宗廟城郭殺六千餘人元帝永光三年冬地

震綏和二年九月丙辰地震自京師至北邊郡國

三十餘壞城郭凡殺四百一十五人釐公十四年秋

八月辛卯沙麓崩穀梁傳曰林屬於山曰麓師古曰屬聯也

音之欲反沙其名也劉向以爲臣下背叛散落不事上之

象也先是齊桓行伯道會諸侯師古曰伯讀曰霸其下亦同事周

室管仲旣死桓德日衰天戒若曰伯道將廢諸侯

散落政逮大夫陪臣執命臣下不事上矣桓公不

寤天子蔽晦師古曰被掩蔽而暗也及齊桓死天下散而從楚

王札子殺二大夫師古曰二大夫召伯毛伯也晉敗天子之師師古曰謂敗之

於賀我也已解於上也莫能征討從是陵遲公羊以爲沙麓河

上邑也董仲舒說略同一曰河大川象齊大國桓

德衰伯道將移於晉文故河為徙也左氏以為沙

麓晉地沙山名也地震而麓崩不書震舉重者也

伯陽甫所謂國必依山山川山崩川竭亡之徵也不

過十年數之紀也至二十四年晉懷公殺於高粱

師古曰懷公謂子圉惠公之子也京房易傳曰小人剥廬師

文公入國而使殺之高梁晉地京房易傳曰小人剥廬師

日剥卦上九爻之辭啖妖山崩茲謂陰乘陽弱勝彊成公五年

夏梁山崩穀梁傳曰靡河三日不流師古曰靡晉君

帥羣臣而哭之迺流師古曰從伯宗用蔡軍者之言劉向以為山陽君

也水陰民也天戒若曰君道崩壞下亂百姓將失

其所矣哭然後流喪亡象也梁山在晉地自晉始

而及天下也後晉暴殺三卿厲公以弑師古曰三卿謂卻犇卻錡卻至

也厲公殺之而樂書中行偃又弑厲公事在成十七年湟梁之會天下大夫皆執國

政師古曰已解於上其後孫寗出衛獻師古曰孫孫林父寗寗殖皆衛大夫也衛獻公定公之子

也名衎獻公成二子食日所不召而射鴻於囿二子怒因作亂公如鄭遂出奔齊孫氏追之敗公徙于柯澤事在襄十四年三家

逐魯昭單尹亂王室師古曰並解於上董仲舒說略同劉歆

以為梁山晉望也崩弛崩也師古曰言漸解散也弛音式爾反古者三

代命祀祭不越望吉凶禍福不是過也國主山川

山崩川竭亡之徵也美惡周必復師古曰復音扶目反是歲歲

在鶉火至十七年復在鶉火樂書中行偃殺厲公

而立悼公高后二年正月武都山崩殺七百六十
人地震至八月廼止文帝元年四月齊楚地山二
十九所同日俱大發水潰出劉向以爲近水沴土
也天戒若曰勿盛齊楚之君今失制度將爲亂後
十六年帝庶兄齊悼惠王之孫文王則薨無子帝
分齊地立悼惠王庶子六人皆爲王師古曰謂齊孝王將閭濟北王志苗
亂至景帝三年齊楚七國起兵百餘萬漢皆破之
春秋四國同日災師古曰宋衛陳鄭漢七國同日衆山潰咸
被其害不畏天威之明效也成帝河平三年二月

川王賢膠東王雄渠膠西王卬濟南王辟光

賈誼晁錯諫以爲違古制恐爲

丙戌捷爲柏江山崩捐江山崩皆靡江水

師古曰靡讀曰壅次

下亦同江水逆流壞城殺十三人地震積二十一日百

二十四動元延三年正月丙寅蜀郡岷山崩靡江

江水逆流三日迺通劉向以爲周時岐山崩三川

竭而幽王亡岐山者周所興也漢家本起於蜀漢

今所起之地山崩川竭星孛又及攝提大角從參

至辰

如淳曰孛星尾長及攝提大角始發於參至辰也

殆必亡矣其後三世亡

嗣王莽篡位傳曰皇之不極是謂不建厥咎眊

度服

曰眊音老耄

厥罰恒陰厥極弱時則有射妖時則有龍蛇

之孽時則有馬禍時則有下人伐上之病時則有

日月亂行星辰逆行皇之不極是謂不建皇君也

極中建立也人君貌言視聽思心五事皆失不得

其中則不能立萬事失在眊悖故其咎眊也師古曰眊不明

也悖惑也音布內反王者自下承天理物雲起於山而彌於天

師古曰彌滿也天氣亂故其罰常陰也一曰上失中則下彊

盛而蔽君明也易曰亢龍有悔貴而亡位高而亡

民賢人在下位而亡輔師古曰乾上九文言也如此則君有南面

之尊而亡一人之助故其極弱也盛陽動進輕疾

服虔曰陽行輕且疾也禮春而大射以順陽氣韋昭曰將祭臨群臣射謂之大射上微

弱則下奮動故有射妖易曰雲從龍師古曰乾九五文言又曰

龍蛇之蟄以存身也

師古曰下繫辭也

陰氣動故有龍蛇之

孽於易乾爲君爲馬馬任用而彊力君氣毀故有馬禍一曰馬多死及爲怪亦是也君亂且弱人之所叛天之所去不有明王之誅則有篡弑之禍故有下人伐上之病凡君道傷者病天氣不言五行診天而曰日月亂行星辰逆行者爲若下不敢診天猶春秋曰王師敗績于貿戎不言敗之者以自敗爲文尊尊之意也劉歆皇極傳曰有下體生上之病說以爲下人伐上天誅已成不得復爲病云皇極之常陰劉向以爲春秋亡其應一曰久陰不

雨是也劉歆以爲自屬常陰昭帝元平元年四月
崩亡嗣立昌邑王賀賀即位天陰晝夜不見日月
賀欲出光祿大夫夏侯勝當車諫曰天久陰而不
雨臣下有謀上者陛下欲何之賀怒縛勝以屬吏

師古曰屬委也音之欲反

吏白大將軍霍光光時與車騎將軍張

安世謀欲廢賀光讓安世以爲泄語安世實不泄

召問勝勝上洪範五行傳曰皇之不極厥罰常陰

時則有下人伐上不敢察察言

臣瓚曰不敢察察明言之

故云臣

下有謀光安世讀之大驚以此益重經術士後數
日卒共廢賀此常陰之明效也京房易傳曰有蜺

蒙霧霧上下合也蒙如鹿雲蜺日旁氣也其占曰

后妃有專蜺再重赤而雷至衝早孟康曰專負也若五月再重赤而負至十

一月也妻不壹順黑蜺四背又曰蜺雙出日中妻以

貴高夫茲謂擅陽蜺四方日光不陽解而溫服虔曰蒙氣解

而內取茲謂禽服虔曰人君內淫於骨肉也臣瓚曰人君取於溫國中取如禮記聚麀之聚瓚說非蜺

如禽在日旁以尊降妃茲謂薄嗣蜺直而塞六辰

廼除夜星見而赤韋昭曰六辰謂從卯至申女不變始茲謂乘夫

孟康曰始貴高於夫終行此不變也蜺白在日側黑蜺果之氣正直師古曰果謂干

之也妻不順正茲謂擅陽蜺中窺貫而外專夫妻不

嚴茲謂媾韋昭曰媾言媾慢也師古曰音先列反蜺與日會婦人擅國茲

謂頃

師古曰頃讀曰傾

蜺白貫日中赤蜺四背

服虔曰蜺背曰

適不答

茲謂不次

服虔曰言適妻不見答也臣瓚曰夫不接妻為不答師古曰適讀曰嫡答報也言妻有承順之心不見報答也一日

答對也言不以恩意接對之

蜺直在左蜺交在右取於不專茲謂危

嗣蜺抱日兩未及君淫外茲謂亡蜺氣左曰交於

外取不達茲謂不知蜺白奪明而大溫溫而雨

師古曰取讀曰聚

尊卑不別茲謂媾蜺三出三已三辰除

昭韋昭曰辟君也師古曰苦從寅至辰也蜺旦見西晏則雨

除則日出且雨臣私祿及親茲謂罔

辟

韋昭曰辟君也師古曰辟音壁其下並同

厥異蒙其蒙先大溫已蒙起日

不見行善不請於上茲謂作福蒙一日五起五解

辟不下謀臣辟異道茲謂不見上蒙下霧風三變

而俱解立嗣子疑茲謂動欲蒙赤曰不明德不序

茲謂不聰蒙曰不明溫而民病德不試空言祿師古

日試茲謂主竄臣天孟康曰謂君情竄用人不以次第爲天也師古曰竄音使蒙起而白

君樂逸人茲謂放蒙曰青黑雲夾日左右前後行

過日公不任職茲謂怙祿蒙三日又大風五日蒙

不解利邪以食茲謂閉上蒙大起白雲如山行蔽

日公懼不言道茲謂閉下蒙大起日不見若雨不

雨至十二日解而有天雲蔽日祿生於下茲謂誣

君蒙微而小雨已乃大雨下相攘善茲謂盜明蒙

黃濁下陳功求於上茲謂不知蒙微而赤風鳴條

解復蒙下專刑茲謂分威蒙而日不得明大臣厭

小臣茲謂蔽蒙微日不明若解不解大風發赤雲

起而蔽日衆不惡惡茲謂閉蒙尊卦用事

孟康曰尊卦乾坤也

臣瓚曰京房謂之方伯卦震兌坎離也師古曰孟說誤是也

三日而起日不見漏言亡喜

茲謂下厝用

師古曰厝音千各反

蒙微日無光有雨雲雨不降

廢忠惑佞茲謂亡蒙天先清而暴蒙微而日不明

有逸民茲謂不明蒙濁奪日光公不任職茲謂不

絀蒙白三辰止則日青青而寒寒必雨忠臣進善

君不試茲謂過

師古曰試用也

蒙先小雨雨已蒙起微而日

不明惑衆在位茲謂覆國蒙微而日不明一溫一

寒風揚塵知倭厚之茲謂庫蒙甚而溫君臣故弼

茲謂悖

師古曰弼猶相
戾也悖惑也

厥災風雨霧風拔木亂五穀

已而大霧庶正蔽惡茲謂生孽災厥異霧此皆陰

雲之類云嚴公十八年秋有蜮劉向以爲蜮生南

越越地多婦人男女同川淫女爲主亂氣所生故聖

人名之曰蜮蜮猶惑也在水旁能射人射人有處

甚者至死

師古曰以
氣射人也

南方謂之短弧

師古曰即射工
也亦呼水弩

近射

妖死亡之象也時嚴將取齊之淫女故蜮至天戒

若曰勿取齊女將生淫惑篡弑之禍嚴不寤遂取

之入後淫於二叔二叔以死兩子見弑夫人亦誅

師古曰並解於上

劉歆以爲蜮盛暑所生非自越來也京房

易傳曰忠臣進善君不試厥咎國生蜮

師古曰試用也

史記

魯哀公時有隼集于陳廷而死

師古曰隼執鳥鳥即今之鵯也說者以爲鵯失之矣廷朝

廷也鵯字音胡骨反

桮矢貫之

應劭曰桮木名師古曰音怙其木堪爲箭前苛今通以此皆用之土俗呼其木爲桮子也

石

桮

應劭曰桮鐵也音奴又乃互反

長尺有咫

張晏曰八寸曰咫

陳閔公使使問仲

尼

師古曰閔公名周懷公之子

仲尼曰隼之來遠矣昔武王克商通道

百蠻使各以方物來貢肅慎貢桮矢

臣賡曰肅慎東北夷

石桮

長尺有咫先王分異姓以遠方職使毋忘服

師古曰服事也

故分陳以肅慎矢試求之故府果得之

師古曰得昔所分之矢於府藏

中劉向以爲隼近黑祥貪暴類也矢貫之近射妖

也死於廷國亡表也象陳眊亂不服事周師古曰眊音莫報反

而行貪暴將致遠夷之禍為所滅也是時中國齊

晉南夷吳楚為彊師古曰中國則齊晉為彊南夷則吳楚為彊陳交晉不親

附楚不固數被二國之禍後楚有白公之亂師古曰白公楚

平王太子建之子勝也建遇讒奔鄭而死勝在吳子西召之使處吳境為白公吳人伐慎白公敗之請以戰備獻因作亂子西子期皆死事在

哀十六年陳乘而侵之師古曰白公之亂陳人恃其聚而侵楚事見哀十七年卒為楚所滅

師古曰陳閔公之二十年獲麟之歲也其二十四年而為楚所滅史記夏后氏之襄有二龍

止於夏廷而言余襄之二君也師古曰襄古國名夏帝卜殺

之去之止之莫吉卜請其熬尿而藏之乃吉應劭曰熬沫也鄭氏

曰熬音牛齡之齡師古曰去謂驅逐也於是布幣策告之師古曰

止謂拘留也去音丘呂反熬音丑之反

曰奠幣為禮讀策辭而告之也龍亡而祭在乃匱去之師古

說者以為策者稻米蓋失之矣龍亡而祭在乃匱去之師古

匱也去藏也匱音讀去音丘呂反其後夏亡傳匱於殷周三代莫發至

厲王末發而觀之祭洙于廷不可除也厲王使婦

人羸而譟之應劭曰羣呼曰譟師古曰譟音先到反祭化為玄龜韋昭曰玄

也似蛇而有足師古曰龜似鼈而大非蛇及蜃蜴入後宮處妾遇之而孕師古曰處

童女生子懼而棄之宣王立女童名曰嫫弧其服實

亡周國服虔曰嫫嫫桑也師古曰女童謠閭里之童女為歌謠也嫫

草似菰而細纖之為服也嫫音一簞反箕音基菰音敲後有夫婦鬻是器者宣王使

執而僂之師古曰鬻賣也音戈六反既去見處妾所棄妖子聞其

夜號哀而收之遂亡奔褒後褒人有罪入妖子以

贖是為褒姒幽王見而愛之生子伯服王發申后

及太子宜咎而立褒姒伯服代之廢后之父申侯

與繒西畎戎共攻殺幽王師古曰畎戎即犬戎亦曰昆夷詩曰赫赫宗

周褒姒威之師古曰小雅正月之詩也赫赫盛貌也宗周鎬京也威滅也音呼悅反劉向以為

夏后季世周之幽厲皆諄亂逆天師古曰諄惑也音布內反故有

龍龜之怪近龍蛇孽也瘞血也一曰沫也壓弧桑

弓也其服蓋以其草為箭服近射妖也女童言者

禍將生於女國以兵寇亡也師古曰因婦人以致兵寇也左氏傳昭

公十九年龍鬬於鄭時門之外洧淵師古曰時門鄭城門也洧泉有水之

泉也洧水出梁陽密縣東南至潁川長平入潁也劉向以為近龍孽也鄭以小國

擗乎晉楚之間

師古曰擗收持之

重以彊吳

師古曰重音直用反

鄭當其

衝不能修德將鬪三國以自危亡

師古曰三言若不修德則三國伐之必危亡

是

時子產任政內惠於民外善辭令以交三國鄭卒

亡患能以德消變之效也京房易傳曰衆心不安

厥妖龍鬪惠帝二年正月癸酉旦有兩龍見於蘭

陵廷東里溫陵井中

師古曰蘭陵縣之廷東里也溫陵人姓名也

至乙亥夜去

劉向以爲龍貴象而困於庶人井中象諸侯將有

幽執之禍其後呂太后幽殺三趙王諸呂亦終誅

滅京房易傳曰有德遭害厥妖龍見井中又曰行

刑暴惡黑龍從井出左氏傳魯嚴公時有內蛇與

外蛇鬪鄭南門中內蛇死劉向以為近蛇孽也先

是鄭厲公劫相祭仲而逐兄昭公代立師古曰厲公母宋麇氏之女也

祭仲祭封人仲兄也桓十一年宋人執祭仲曰不立突將死仲乃與宋盟而立厲公昭公奔衛祭音側介反後厲公出

奔昭公復入師古曰桓十五年厲公與祭仲之婿驪糾謀殺祭仲不克五月出奔蔡六月昭公復歸于鄭九月厲公殺

檀伯而死弟子儀代立師古曰桓十七年高渠彌弑昭公而立其弟子儀

厲公自外劫大夫傅瑕使僂子儀師古曰傅瑕鄭大夫也

侵鄭獲傅瑕與之盟於是此外蛇殺內蛇之象也蛇死六

年而厲公立嚴公聞之問申繻曰猶有妖乎師古曰申繻魯

大夫也對曰人之所忌其氣炎以取之師古曰炎音弋贍反妖由

人興也人亡豐焉妖不自作人棄常故有妖師古曰已解於

上京房易傳曰立嗣子疑厥妖蛇居國門闕左氏

傳文公十六年夏有蛇自泉宮出師古曰泉宮即泉臺入于國

如先君之數劉向以爲近蛇孽也泉宮在囿中公

母姜氏嘗居之蛇從之出象宮將不居也詩曰維

虺維蛇女子之祥師古曰小雅斯于之詩又蛇入國國將有女

憂也如先君之數者公母將薨象也秋公母薨公

惡之乃毀泉臺夫妖孽應行而自見非見而爲害

也文不改行循正共御厥罰師古曰共讀曰恭御讀曰衛又讀如本字而作

非禮以重其過師古曰重音直用反後二年薨公子遂殺文之

二子惡視而立宣公師古曰惡即子赤也視其母弟文公夫人大歸于

齊

師古曰本齊女故出而歸齊所謂哀姜者也

武帝大始四年七月趙有蛇

從郭外入與邑中蛇鬪孝文廟下邑中蛇死二年

秋有衛太子事事自趙人江充起左氏傳定公十

年宋公子地有白馬

四師古曰地宋元公馬子也四馬曰駟

公嬖向魋欲

之

師古曰公謂景公即地之兄也魋宋司馬桓魋也向音式尚反魋音大回反

公取而朱其尾鬣師古曰

曰鬣領上鬣也音力涉反

以予之地怒使其徒扶魋而奪之

師古曰扶擊之

音丑失反

魋懼將走公閉門而泣之目盡腫公弟辰謂

地曰子爲君禮不過出竟君必止子

師古曰辰亦元公子也言若見君怒

懼而出奔是爲臣之禮也竟讀曰境也

地出奔陳公弗止辰爲之請不聽

辰曰是我廷吾兄也

應劭曰廷音若狂反臣瓚曰音九放反師古曰二說皆非也廷欺也音求往反

吾

以國人出君誰與處遂與其徒出奔陳明年俱入

于蕭以叛大爲宋患

師古曰蕭宋邑

近馬禍也史記秦孝

公二十一年有馬生人昭王二十年牡馬生子而

死劉向以爲皆馬禍也孝公始用商君攻守之法

東侵諸侯至於昭王用兵彌烈

師古曰烈猛也

其象將以兵

革抗極成功而還自害也牡馬非生類妄生而死

猶秦恃力彊得天下而還自滅之象也一曰諸畜

生非其類子孫必有非其姓者至於始皇果呂不

韋子京房易傳曰方伯分歲厥妖牡馬生子亡天

子諸侯相伐厥妖馬生人文帝十二年有馬生角

於吳角在耳前上鄉

師古曰鄉讀曰嚮次下亦同

右角長三寸左角

長二寸皆大二寸劉向以爲馬不當生角猶吳不

當舉兵鄉上也是時吳王濞封有四郡五十餘城

師古曰高紀云六年春以故東陽郡鄣郡吳郡五十三縣立劉賈爲荆王十二年十月詔曰吳古之建國日者荆王兼有其地今死無後朕欲復立吳王長沙王臣等請立沛侯爲吳王而荆燕吳傳云荆王劉賈爲黔布所殺無後上患會稽輕悍無壯王填之乃立濞爲吳王王三郡五十

三城是則濞之所封賈本地也止有三郡荆燕吳傳與紀同矣今此云四郡未詳其說若以賈本不得會稽濞加一郡者則不得言五十三城

也內懷驕恣變見於外天戒早矣王不寤後卒舉

兵誅滅京房易傳曰臣易上政不順厥妖馬生角

茲謂賢士不足又曰天子親伐馬生角成帝綏和

二年二月大廋馬生角在左耳前圍長各二寸是

時王莽爲大司馬害上之萌自此始矣

師古曰萌若草木之始生

也哀帝建平二年定襄牡馬生駒三足隨群飲食

太守以聞馬國之武用三足不任用之

象也後侍中董賢年二十二爲大司馬居上公之

位天下不宗哀帝暴崩成帝母王太后召弟子新

都侯王莽入收賢印綬賢恐自殺莽因代之并誅

外家丁傅又廢哀帝傅皇后令自殺發掘帝祖母

傅太后母丁太后陵更以庶人葬之辜及至尊大

臣微弱之禍也文公十一年敗狄于鹹

師古曰鹹鹵魯地也

穀梁公羊傳曰長狄

師古曰防風之後漆姓也國號鄭瞞鄭音所求反瞞音莫干反

兄弟

三人一者之魯

師古曰僑如也來伐魯為叔孫得臣所獲

一者之齊

師古曰樂如也齊襄

公二年伐齊為王子成父所獲

一者之晉

師古曰焚如也宣十五年晉滅潞國而獲之

皆殺之身橫

九晦

師古曰晦古畝字

斷其首而載之冒見於軾

師古曰軾車前橫木何

以書記異也劉向以為是時周室衰微三國為大

可責者也天戒若曰不行禮義大為夷狄之行將

致危亡其後三國皆有篡弑之禍

師古曰謂魯文公莒莒襄仲弑惡及視而立

宣公齊連稱管至父弑襄公而立無知晉欒書中行偃弑厲公而立悼公

近下人伐上之病也劉

歆以為人變屬黃祥一曰屬羸蟲之孽一曰天地

之性人為貴凡人為變皆屬皇極下人伐上之病

云京房易傳曰君暴亂疾有道厥妖長狄入國又

云京房易傳曰君暴亂疾有道厥妖長狄入國又

前漢五行志卷之十
曰豐其屋下獨苦

師古曰豐其屋易豐卦上六爻亂也豐大也

長狄生世主

虜史記秦始皇帝二十六年有大人長五丈足履

六尺皆夷狄服凡十二人見于臨洮

師古曰隴西之縣也音吐高反

天

戒若曰勿大爲夷狄之行將受其禍是歲始皇初

并六國反喜以爲瑞銷天下兵器作金人十二以

象之遂自賢聖燔詩書阮儒士奢淫暴虐務欲廣

地南戍五嶺北築長城以備胡越

師古曰五嶺解在張耳陳餘傳

塹山填谷西

起臨洮東至遼東徑數千里故大人見於臨洮明禍

亂之起後十四年而秦亡亡自戍卒陳勝發史記

魏襄王十三年魏有女子化爲丈夫京房易傳曰

女子化為丈夫茲謂陰昌賤人為王丈夫化為女

子茲謂陰勝厥各亡一曰男化為女宮刑濫也如厚

曰宮刑之行大濫也女化為男婦政行也哀帝建平中豫章有

男子化為女子嫁為人婦生一子長安陳鳳言此

陽變為陰將亡繼嗣自相生之象一曰嫁為人婦

生一子者將復一世乃絕哀帝建平四年四月山

陽方與女子田無嗇生子師古曰方與者山陽之縣也女子姓田名無嗇方與音房豫

先未生二月兒唬腹中及生不舉葬之陌上三日

人過聞唬聲母掘收養平帝元始元年二月朔方

廣牧女子趙春病死師古曰廣牧朔方之縣也姓趙名春斂棺積六日師古

前漢五行志七下之上
三
日斂音力瞻反
棺音工喚反

出在棺外自言見夫死父曰年二十七

不當死太守譚以聞京房易傳曰幹父之蠱有子

考亡咎

韋昭曰蠱事也子能正父之事是為有子故考不為咎累師古曰易蠱卦初六爻辭也

子三年不

改父道思慕不皇亦重見先人之非

師古曰言父有不善之事當速改之

若唯思慕而已無所變易是重顯先人之非也一日三年之內但思慕而已不暇見父之非故不改也重音直用反

不則為私

歟妖人死復生一曰至陰為陽下人為上六月長

安女子有生兒兩頭異頸面相鄉四臂共匈俱前

鄉

師古曰鄉讀曰嚮

尻上有目長二寸所京房易傳曰睽孤

見豕負塗

師古曰易睽卦上九爻辭也睽孤乖刺之意也塗泥也睽音苦摧禍反

厥妖人生兩頭

下相攘善妖亦同人若六畜首目在下茲謂亡上

正將變更凡妖之作以譴失正各象其類二首

下不壹也足多所任邪也足少下不勝任或不任

下也凡下體生於上不敬也上體生於下媒瀆也

生非其類淫亂也人生而大上速成也生而能言

好虛也羣妖推此類不改乃成凶也景帝二年九

月膠東下密人年七十餘生角角有毛時膠東膠

西濟南齊四王有舉兵反謀謀由吳王濞起連楚

趙凡七國下密縣居四齊之中

師古曰四齊即上所云膠東膠西濟南齊也本皆

齊地故謂之四齊角兵象上鄉者也

師古曰鄉讀曰嚮次下亦同

老人吳王象

也年七十七國象也天戒若曰人不當生角猶諸

侯不當舉兵以鄉京師也禍從老人人生七國俱敗

云諸侯不寤明年吳王先起諸侯從之七國俱滅

京房易傳曰冢宰專政廢妖人生角成帝建始三

年十月丁未京師相驚言大水至渭水虎上小女

陳持弓年九歲

師古曰虎上地名也音斯

走入橫城門入未央宮

尚方掖門殿門門衛戶者莫見至句盾禁中而覺

得

師古曰句盾少府之署

民以水相驚者陰氣盛也小

女而入宮殿中者下人將因女寵而居有宮室之

象也名曰持弓有似周家褒姒之祥易曰弧矢之

利以威天下

師古曰下繫之辭也

是時帝母王太后弟鳳始為

上將秉國政天知其後將威天下而入宮室故象

先見也其後王氏兄弟父子五侯秉權至莽卒篡

天下蓋陳氏之後云京房易傳曰妖言動衆茲謂

不信路將亡人司馬死成帝綏和二年八月庚申鄭

通里男子王褒師古曰鄭縣之通里衣絳衣小冠帶劔入北司

馬門毀東門師古曰入北司馬門又入殿之東門也上前毀入非常室中

如淳曰毀上室名解帷組結佩之師古曰組綴類所以係帷又垂以爲飾也佩帶之招前殿

署長業等曰天帝令我居此業等收縛考問褒故

公車大誰卒應劭曰在司馬殿門堂誰呵者也服虔曰衛士之師也著樊噲冠師古曰大誰者主問非常之人云

姓名是誰也而應氏乃以謹諱爲義云大謹呵不當殿理後之學者輒改此書誰字爲謹違本文矣大誰卒以誰何稱因用名官有大誰

長令此卒者長

病狂易

師古曰謂病狂而變易其常也

不自知入宮狀下

獄死是時王莽為大司馬哀帝即位莽乞骸骨就

第天知其必不退故因是而見象也姓名章服甚

明徑上前殿路寢入室取組而佩之稱天帝命然

時人莫察後莽就國天下冤之哀帝徵莽還京師

明年帝崩莽復為大司馬因是而篡國哀帝建平

四年正月民譙走持橐一枚

如淳曰橐麻幹也師古曰橐禾稈也音工

老反橐音鄒又側九反

傳相付與曰行詔書道中相過逢多至

千數或被髮徒跣

師古曰徒跣謂徒跣也

或夜折關或踰牆入

或乘車騎奔馳以置驛傳行經歷郡國二十六至

京師其夏京師郡國民聚會里巷仵伯設張博具

師古曰博戲之具

歌舞祠西王母又傳書曰母告百姓佩此

書者不死不信我言視門樞下當有白髮

師古曰樞門扇所由

至秋止開閉者也音昌于反

是時帝祖母傳太后驕與政事

師古曰與

讀曰豫

故杜鄴對曰春秋災異以指象為三語望壽所

以紀數民陰水類也水以東流為順走而西行反

類逆上象數度放溢妄以相予違忤民心之應也

西王母婦人之稱博奕男子之事於街巷仵伯明

離闌內

師古曰闌門櫺也音魚列反

與疆外

師古曰與讀曰豫

臨事盤樂炕

陽之意白髮衰年之象體尊性弱難理易亂門人

之所由樞其要也居人之所由制持其要也其明
甚著今外家丁傅並侍帷幄布於列位有罪惡者
不坐辜罰亡功能者畢受官爵皇甫三桓詩人所
刺春秋所譏亡以甚此師古曰皇甫周卿士之字也周后雙
寵而處職位詩人刺之事見小雅十
月之交篇指象昭昭以覺聖朝奈何不應後哀帝崩成
帝母王太后臨朝王莽爲大司馬誅滅丁傅一曰
丁傅所亂者小此異乃王太后莽之應云

五行志卷第七下之上

五行志第七下之下

班固 漢書二十七

秘書監上護軍琅邪縣開國子顏師古注

隱公三年二月己巳日有食之穀梁傳曰言日不

言朔食晦公羊傳曰食二日董仲舒劉向以為其

後戎執天子之使師古曰凡伯周大夫也隱七年天王使凡伯來聘戎伐凡伯于楚丘以歸鄭獲

魯隱師古曰公羊傳隱六年春鄭人來渝平渝平墮成也曰吾成敗矣吾與鄭人未有成狐壤之戰隱公獲焉所以不言戰諱獲也

滅戴師古曰十年秋宋人蔡人衛人伐戴鄭伯伐取之戴國今衛外黃縣東南戴城是也讀者多誤為載故隨室置載州焉衛

魯宋咸殺君師古曰四年衛州吁殺其君完十一年羽父使賊殺公于寯氏桓二年春宋督殺其君與夷左氏

劉歆以為正月二日燕越之分野也凡日所躔而

有變則分野之國失政者受之師古曰躔踐也音纏人君能脩

政共御厥罰則災消而福至

師古曰共讀曰恭御不能讀曰御示又讀如本字

則災息而禍生

師古曰息謂蕃滋也

故經書災而不記其故蓋

吉凶亡常隨行而成禍福也周衰天子不班朔

師古

曰班布也

魯歷不正置閏不得其月月大小不得其度

史記曰食或言朔而實非朔或不言朔而實朔或

脫不書朔與日皆官失之也京房易傳曰亡師茲

謂不御厥異日食其食也既並食不一處誅衆失

理茲謂生叛厥食既光散縱畔茲謂不明厥食先

大雨三日雨除而寒寒即食專祿不封茲謂不安

厥食既先日出而黑光反外燭

韋昭曰中無光四邊有明外燭

君臣

不通茲謂亡厥蝕三既同姓上侵茲謂誣君厥食

四方有雲中央無雲其日大寒公欲弱主位茲謂

不知厥食中白青四方赤已食地震諸侯相侵茲

謂不承厥食三毀三復君疾善下謀上茲謂亂厥

食既先雨雹殺走獸弑君獲位茲謂逆厥食既先

風雨折木日赤內臣外鄉茲謂背師古曰鄉厥食食

且雨地中鳴韋昭曰地中有聲如冢宰專政茲謂因厥

食先大風食時日居雲中四方亡雲伯正越職茲

謂分威師古曰伯讀曰霸厥食日中分諸侯爭美於

上茲謂泰厥食日傷月食半天營而鳴韋昭曰食半

賈曰月食半謂食月之半也月食常以望不為異也

賦不得茲謂竭厥食星隨而下

受命之臣專征云試厥食雖侵光猶明

師古曰試用也自擅意也一說

試與弑同謂欲弑君

若文王臣獨誅紂矣

韋昭曰是時紂臣尚未欲誅紂獨文王之臣欲誅之

小

人順受命者征其君云殺厥食五色至大寒隕霜

師古曰發亦讀曰弑

若紂臣順武王而誅紂矣

韋昭曰紂惡益甚其諸臣欲順武王而誅紂

侯更制茲謂叛

師古曰更改也

厥食三復三食食已而風地

動適讓庶茲謂生欲

師古曰適讀曰嫡

厥食日失位光晻晻

月形見

師古曰晻音烏反見音胡電反

感酒亡節茲謂荒厥蝕乍青乍

黑乍赤明日大雨發霧而寒凡食二十占其形二

十有四改之輒除不改三年三年不改六年六年

不改九年推隱三年之食貫中央上下竟而黑臣

弑從中成之形也後衛州吁弑君而立桓公三年

七月壬辰朔日有食之既董仲舒劉向以為前事

已大後事將至者又大則既先是魯宋弑君魯又

成宋亂易許田亡事天子之心楚僭稱王後鄭拒

王師射桓王師古曰並已解於上又二君相篡師古曰謂厲公奔蔡而昭公入高集彌殺昭公而立

子劉歆以為六月趙與晉分晉灼曰周之六月今之四月始去畢而入參參晉分也畢趙也

日行去趙遠入晉分多故曰與計二十八宿分其大度其月及所屬下皆以為例先是晉曲沃伯再弑

晉侯師古曰曲沃伯本桓叔成師之封號也其後遂繼龍衰焉魯惠公三十年大夫潘父殺昭侯而納成師不克晉人立孝侯惠之四

十五年成師之子曲沃是歲晉大亂師古曰桓三年莊伯之子曲沃武公伐翼逐翼侯于汾陽夜獲

莊伯伐翼殺孝侯也

而殺滅其宗國師古曰桓八年曲沃武公滅翼遂并其國京房易傳以為桓三

年日食貫中央上下竟而黃臣弑而不卒之形也

後楚嚴稱王兼地千里師古曰楚武王荆尸久已見傳今此言莊始稱王未詳其說十七

年十月朔日有食之穀梁傳曰言朔不言日食二

日也劉向以為是時衛侯朔有罪出奔齊師古曰朔衛惠公也

桓十六年經書衛侯朔出奔齊公羊傳曰得罪乎天子穀梁傳曰天子召而不往也天子更立衛君師古曰謂公子黔牟

朔藉助五國舉兵伐之而自立王命遂壞師古曰莊五年冬公

會齊人宋人陳人蔡人伐備莊六年春王人子突救衛夏衛侯朔入放公子黔牟于周是也魯夫人淫失於齊

卒殺桓公師古曰失讀曰佚董仲舒以為言朔不言日惡魯

桓且有夫人之禍將不日也劉歆以為楚鄭分

嚴公十八年三月日有食之穀梁傳曰不言日不

言朔夜食

張晏曰日夜食則無景立六尺木不見其景以此為候

史記推合朔在夜明

旦日食而出出而解

孟康曰夜食地中出而止

是為夜食劉向以

為夜食者陰因日明之去衣而奪其光象周天子不

明齊桓將奪其威專會諸侯而行伯道

師古曰伯讀曰霸

其

後遂九合諸侯

師古曰解在郊祀志

天子使世子會之

師古曰信五年齊侯

宋公陳侯衛侯鄭伯許男曹伯會王太子于首止是

此其效也公羊傳曰食晦董仲

舒以為宿在東壁魯象也後公子慶父叔牙果通

於夫人以劫公劉歆以為晦魯衛分二十五年六

月辛未朔日有食之董仲舒以為宿在畢主邊兵

夷狄象也後狄滅邢衛

師古曰春秋閔元年狄伐邢二年狄滅衛其後並為齊所立而邢遷于夷

儀衛遷于楚丘

劉歆以為五月二日魯趙分二十六年十

二月癸亥朔日有食之董仲舒以為宿在心心為

明堂文武之道廢中國不絕若綫之象也

師古曰綫縷也音先

箭劉向以為時戎侵曹

師古曰事在莊二十四年

魯夫人淫於慶父

叔牙將以弑君故比年再蝕以見戒

師古曰比類也見顯也

劉歆

以為十月二日楚鄭分三十年九月庚午朔日有

食之董仲舒劉向以為後魯二君弑

師古曰謂子般為國人所殺閔公為

上麟所殺也

夫人誅

師古曰哀姜為齊人所殺

兩弟死

師古曰謂叔牙及慶父也

狄滅邢

師古曰解於上

徐取舒

師古曰信三年徐人取舒舒國名也在廬江舒縣也

晉殺世子

師古曰信五年晉侯殺其太子申生

楚滅弦

師古曰僖五年楚人滅弦弦國名也在弋陽

劉歆以為八月秦周分僖

公五年九月戊申朔日有食之董仲舒劉向以為

先是齊桓行伯江黃自至

師古曰伯讀曰霸朝江黃二國名也僖二年齊侯宋公江人黃人盟于

贊傳曰服江黃也江國在汝南安陽縣黃國在弋陽縣

南服彊楚

師古曰僖四年齊侯以諸侯之師侵蔡遂伐楚盟于邵陵

其後不內自正而外執陳大夫則陳楚不附

師古曰邵陵盟

後以陳轅濤塗為誤軍而執之陳不服罪故伐之楚自是不復通

鄭伯逃盟

師古曰僖五年秋齊侯與諸侯盟于首止鄭伯

逃歸

諸侯將不從桓政故天見戒其後晉滅虢

師古曰

曰事在僖五年

楚圍許諸侯伐鄭

師古曰事並在僖六年

晉弑二君

師古曰謂里克

弑奚齊及卓子

狄滅溫

師古曰溫周邑也僖十年狄滅之

楚伐黃

師古曰僖十一年黃不歸楚貢故伐之

不能救劉歆以為七月秦晉分十二年三月庚午

朔日有食之董仲舒劉向以爲是時楚滅黃師古曰事在十

二年狄侵衛鄭師古曰僖十三年狄侵衛十四年狄侵鄭莒滅杞師古曰僖十四年諸侯城緣陵公羊

傳曰曷爲城杞滅也孰滅之蓋徐莒也劉歆以爲三月齊衛分十五年正

月日有食之劉向以爲象晉文公將行伯道師古曰伯讀曰

霸後遂伐衛執曹伯敗楚城濮師古曰事並在二十八年再會諸

侯師古曰二十八年五月盟于踐土冬會于溫召天王而朝之師古曰晉侯不欲就朝王故召口王使來經書天

王狩于河陽此其効也日食者臣之惡也夜食者掩其罪

也以爲上亡明王桓文能行伯道攘夷狄安中國

師古曰伯讀曰霸攘命也雖不正猶可益春秋實與而文不與之

義也董仲舒以爲後秦獲晉侯師古曰晉侯夷吾也僖十五年十一月晉侯及秦伯

戰于韓秦獲晉侯以歸也

齊滅項

師古曰項在公羊傳僖十七年項縣今項城縣是也

楚敗徐于婁

林

師古曰事在僖十五年冬婁林餘地

劉歆以爲二月朔齊越分文公元

年二月癸亥日有食之董仲舒劉向以爲先是太

夫始執國政

師古曰謂東門襄仲也

公子遂如京師

師古曰事在僖三十年報宰周

聘

後楚世子商臣殺父齊公子商人弑君皆自立

師古曰已解於上

宋子哀出奔

師古曰宋子哀宋卿高哀也不義宋公而來奔魯魯事在文十四年

晉

滅江

師古曰春秋文四年楚人滅江今此云晉未詳其說

楚滅六

師古曰六國名也在廬江六縣文五年楚人滅之

大夫公孫敖叔彭生並專會盟

師古曰文七年冬公孫敖如莒莒盟十一年叔彭生

會卻欲于承匡公孫敖孟穆伯叔彭生叔仲惠伯也

劉歆以爲正月朔燕越分十五

年六月辛丑朔日有食之董仲舒劉向以爲後宋

齊昔晉鄭八年之間五君殺死

師古曰文十六年宋弑其君杵臼十八年夏齊人弑

其君商人冬莒弑其君庶其宣二年晉趙盾弑其君夷臯四年鄭公子歸生弑其君夷也

楚滅舒莫劉歇

以爲四月二日魯衛分宣公八年七月甲子日有

食之既董仲舒劉向以爲先是楚商臣弑父而立

至于嚴王遂彊諸夏大國唯有齊晉齊晉新有篡弑之

禍內皆未安故楚乘弱橫行八年之間六侵伐而

一滅國

師古曰六侵伐者謂宣元年侵陳三年侵鄭四年伐鄭五年伐鄭六年伐鄭八年伐陳也一滅國者謂八年滅舒莫也

伐陸渾戎觀兵周室

師古曰宣三年楚子伐陸渾之戎遂至于洛觀兵于周疆觀兵者示威武也

後又入鄭鄭伯肉袒謝罪北敗晉師于邲流血色

水

師古曰事並在十二年鄭鄭地色水謂血流入水而變水之色也邲音蒲必反

圍宋九月析骸而炊

之師古曰事在十五年炊爨也言無薪樵示困之甚也劉歆以為十月二日楚鄭分

十年四月丙辰日有食之董仲舒劉向以為後陳

夏徵舒弑其君師古曰弑靈公也事在十年楚滅蕭師古曰蕭宋附庸國也事在十二年

晉滅二國師古曰謂十五年滅赤狄潞氏十六年滅赤狄甲氏王札子殺召伯毛伯

師古曰事在十五年劉歆以為二月魯衛分十七年六月癸卯

日有食之董仲舒劉向以為後邾支解鄆子師古曰十八年

邾人戕鄆子于鄆支解而節斷之謂解其四支斷其骨節晉敗王師于貿戎師古曰事在成元年敗

齊于鞌師古曰事在成二年劉歆以為三月晦朏魯衛分服虔曰朏相類

也日晦食為朏臣瓚曰志云晦而月見西方曰朏以此名之非日食晦之名也師古曰朏音佻了反成公十六年六

月丙寅朔日有食之董仲舒劉向以為後晉敗楚

鄭于鄢陵

師古曰事在十六年鄢陵鄭也

執魯侯

師古曰已解於上

劉歆以爲四

月二日魯衛分十七年十二月丁巳朔日有食之

董仲舒劉向以爲後楚滅舒庸

師古曰事在十七年日食之後舒庸蓋君舒之一

種楚與國也

晉弑其君

師古曰謂厲公也事在十八年

宋魚石因楚奪君邑

師古曰魚石宋大夫也十五年出奔楚至十八年楚伐宋取彭城而納之

苦滅鄆齊滅萊

師古曰事並在襄六

年鄆萊皆小國

鄭伯弑死

師古曰鄭僖公也襄七年會于鄆其大夫子駟使賊夜殺之而以虐疾赴鄆音薦

劉歆

以爲九月周楚分襄公十四年二月乙未朔日有

食之董仲舒劉向以爲後衛大夫孫甯共逐獻公

立孫剽

孟康曰剽音驃師古曰孫林父密殖逐獻公襄十四年四月出奔齊而立剽剽穆公之孫也剽又音匹妙反

劉

歆以爲前年十二月二日宋燕分十五年八月丁

巳朔日有食之董仲舒劉向以為先是晉為雞澤

之會諸侯盟又大夫盟後為湫梁之會諸侯在而

大夫獨相與盟

師古曰並已解於上

君若綴旆不得舉手

應劭曰旂旌旗

之流隨風動搖也師古曰言為下所執隨人東西也

劉歆以為五月二日魯趙分二十

年十月丙辰朔日有食之董仲舒以為陳慶虎慶

寅蔽君之明

師古曰二慶並陳大夫也襄二十年陳侯之弟黃出奔楚將出呼於國曰慶氏無道求專陳國暴蔑其君

而去其親五年不滅是無天也

邾庶其有叛心

師古曰庶其邾大夫

後庶其以漆間

丘來奔

師古曰事在二十一年漆及間丘邾之二邑

陳殺二慶

師古曰二十三年陳侯如楚公子黃訴二

慶楚人召之慶氏以陳叛楚屈建從陳侯圍陳遂殺二慶也

劉歆以為八月秦周分二十

一年九月庚戌朔日有食之董仲舒以為晉欒盈

將犯君後入于曲沃

師古曰已解於上

劉歆以爲七月秦晉

分十月庚辰朔日有食之董仲舒以爲宿在軫角

楚大國象也後楚屈氏

替

殺公子追舒

師古曰公子追舒楚令尹子南

也二十二

年楚殺之齊慶封脅君亂國

師古曰慶封齊大夫也二十七年使盧蒲癸帥甲攻崔氏殺成及彊

盡俘其家崔杼縊而死自是慶封當國專執政也

劉歆以爲八月秦周分二十三

年二月癸酉朔日有食之董仲舒以爲後衛侯入

陳儀

師古曰衛侯衍也前爲孫甯所逐二十五年入于陳儀陳儀衛邑左傳云夷儀

甯喜弑其君

剽

師古曰二十六年甯喜殺剽而衍入于衛甯喜殖子也

劉歆以爲前年十二月二

日宋燕分二十四年七月甲子朔日有食之既劉

歆以爲五月魯趙分八月癸巳朔日有食之董仲

舒以為比食又既

師古曰比類也

象陽將絕

孟康曰陽君也

夷狄主上

國之象也後六君弑

師古曰謂二十五年齊崔杼殺其君光二十六年衛甯喜弑其君剽二十九年

閻殺吳子餘祭三十年蔡太子班弑其君固三十一年昔楚子果

從諸侯伐鄭

師古曰二十四年冬楚子蔡侯陳侯許男伐鄭

滅舒鳩

師古曰二十五年楚屈建帥師滅舒鳩

舒鳩亦羣舒一種

魯往朝之

師古曰二十八年公如楚

卒主中國

師古曰謂楚靈王以昭四年與諸侯

會于申

伐吳討慶封

師古曰慶封以二十八年為慶舍之難自齊出奔魯遂奔吳至申之會楚靈王伐吳執慶

封而殺之劉歆以為六月晉趙分二十七年十二月乙

亥朔日有食之董仲舒以為禮義將大滅絕之象

也時吳子好勇使刑人守門

師古曰吳子即餘祭也刑人閹者

蔡侯通

於世子之妻

師古曰即蔡侯固為大子所殺者也

苦不早立嗣

師古曰即密州也生去疾及展

與既立展
與又廢之

後閹戕吳子

師古曰戕傷也亡國
臣來弑君曰戕音牆

蔡世子般弑其

父莒人亦弑君而庶子爭

師古曰展與因國人攻其父而殺
之展與即位去疾奔齊明年去疾

入而展與出奔吳並
嫡嗣故云庶子爭

劉向以爲自二十年至此歲八年

間日食七作禍亂將重起

師古曰重
音直用反

故天仍見戒也

師古曰
仍頻也

後齊崔杼弑君

師古曰已
解於上

宋殺世子

師古曰宋平公
太子痤也事在

二十

北燕伯出奔

孟康曰有南燕故言北燕南燕姑姓北燕
姬姓也師古曰昭三年北燕伯款出奔齊鄭

大夫自外入而篡位

師古曰謂伯有
也已解於上

指略如董仲舒劉

歆以爲九月周楚分昭公七年四月甲辰朔日有

食之董仲舒劉向以爲先是楚靈王弑君而立會

諸侯

師古曰已
解於上

執徐子滅賴

師古曰申之會楚
人執徐子遂滅賴

後陳公子

招殺世子

師古曰招成公子哀公弟也昭八年經書陳侯之弟招殺陳太子偃師偃師即哀公之子也招音詔

因而滅之

師古曰偃師之死哀公繼其九月楚公又滅蔡師古曰十一年楚師滅蔡也

執大子有以歸用之

後靈王亦弑死

師古曰十三年楚公子比弑其君虔于乾谿是

也劉歆以爲二月魯衛分傳曰晉侯問於士文伯

曰誰將當日食

師古曰士文伯晉大夫伯瑕

對曰魯衛惡之衛大

魯小公曰何故對曰去衛地如魯地於是有災其

衛君乎魯將上卿是歲八月衛襄公卒十一月魯

季孫宿卒晉侯謂士文伯吾所問日食從矣可常

乎

師古曰從謂如士文伯之言也可常謂常可以此占之不

對曰不可六物不同民心

不壹事序不類官職不則同始異終胡可常也詩

曰或宴宴居息或盡賴事國

如淳曰賴古悴字也師古曰小雅北山之詩也宴宴安息

之貌也盡悴言盡力而悴病也

其異終也如是公曰何謂六物對曰

歲時日月星辰是謂公曰何謂辰對曰日月之會

是謂公曰詩所謂此日而食于何不臧何也

師古曰小雅十

月之交之詩也臧善也

對曰不善政之謂也國無政不用善則

自取適于日月之災

師古曰適讀曰謫

故政不可不慎也務

三而已一曰擇人二曰因民三曰從時此推日食

之占循變復之要也易曰縣象著明莫大於日月

師古曰上繫之辭也

是故聖人重之載于三經

師古曰謂易詩春秋

於易在

豐之震曰豐其沛日中見昧折其右肱亡咎

服虔曰日中而

昏也師古曰此豐卦九三爻辭也言遇此災則當退去右肱之臣乃免咎於詩十月之交則著卿士

司徒下至趣馬師氏咸非其材師古曰十月之交詩曰皇父卿士番維司徒繫維趣

馬搗維師氏豔妻煽方處司徒地官卿也掌邦教趣馬中士也掌王馬之政師氏中大夫也掌司朝得失之事番繫搗皆氏也美色曰豔豔妻褒姒

也豔或作閭閭亦嬪妾之姓也煽熾也詩人刺王淫於色故皇父之徒皆用后寵而處職位不以德選也趣音千后反繫音居衛反搗音居禹反番

音扶元反同於右肱之所折協於三務之所擇明小人乘

君子陰侵陽之原也十五年六月丁巳朔日有食

之劉歆以為三月魯衛分十七年六月甲戌朔日

有食之董仲舒以為時宿在畢晉國象也晉厲公

誅四大夫失衆心以弑死師古曰四大夫謂三卻及胥童也胥童非厲公所誅以導亂而死

故掇書曰四大夫厲公竟為樂書中行偃所殺後莫敢復責大夫六卿遂相與

比周專晉國君還事之

師古曰六卿謂范氏中行氏智氏韓魏趙也

日比再

食其事在春秋後故不載於經劉歆以爲魯趙分

左氏傳平子曰

師古曰唯季平子

正月朔慝未作日有食之

於是乎天子不舉伐鼓於社諸侯用幣於社伐鼓於朝禮也其餘則否大史曰在此月也日過分而未至三辰有災百官降物君不舉避移時樂奏鼓祝用幣史用辭嗇夫馳庶人走此月朔之謂也當夏四月是謂孟夏說曰正月謂周六月夏四月正陽純乾之月也慝謂陰爻也冬至陽爻起初故曰復至建巳之月爲純乾亡陰爻而陰侵陽爲災重

故伐鼓用幣責陰之禮降物素服也不舉去樂也

避移時避正堂須時移災復也嗇夫掌幣吏庶人

其徒役也劉歆以爲六月二日魯趙分二十一年

七月壬午朔日有食之董仲舒以爲周景王老劉子

單子專權師古曰已蔡侯朱驕君臣不說之象也師古曰蔡侯朱

蔡平公之子後蔡侯朱果出奔師古曰昭二十一年出奔楚劉子單子

立王猛劉歆以爲五月二日魯趙分二十二年十

二月癸酉朔日有食之董仲舒以爲宿在心天子

之象也後尹氏立王子朝天王居于狄泉師古曰天王敬王也

避子朝之難劉歆以爲十月楚鄭分二十四年五月

故居狄泉

乙未朔日有食之董仲舒以爲宿在胃魯象也後

昭公爲季氏所逐劉向以爲自十五年至此歲十

年間天戒七見人君猶不寤後楚殺戎蠻子師古曰昭十六

年楚子誘戎蠻子殺之戎蠻國在河南新城縣晉滅陸渾戎師古曰十七年晉荀吳帥

渾縣是也盜殺衛侯兄師古曰衛靈公兄也名縶二十年爲齊豹所殺以豹不義故賤稱盜所謂求名而不得

蔡莒之君出奔師古曰蔡君即朱也莒君莒子庚與也二十三年出奔魯吳滅巢師古曰

曰二十四年吳滅巢巢吳楚間小國即居巢城是也公子光殺王僚師古曰事在二十七年宋三

臣以邑叛其君師古曰二十一年宋華亥向寧華定六于宋南里以叛是也它如仲舒

劉歆以爲二月日魯趙分是月斗建辰左氏傳梓慎

曰將大水師古曰梓慎魯大夫昭子曰旱也師古曰叔孫昭子日過分而

陽猶不克克必甚能無旱乎

孟喜保曰謂春分後陰多陽少為不克陽勝則盛故言甚

陽不克莫將積聚也

蘇林曰莫莫爾不勝為積聚也

是歲秋大雩旱也

二至二分日有食之不為災日月之行也春秋分

日夜等故同道冬夏至長短極故相過相過同道

而食輕不為大災水旱而已三十一年十二月辛

亥朔日有食之董仲舒以為宿在心天子象也時

京師微弱後諸侯果相率而城周

師古曰定元年晉魏舒合諸侯之大夫子狄泉

以城周是也

宋中幾亡尊天子之心而不衰城

師古曰中幾宋大夫衰城謂以差次

受功賦也衰音初為反一曰衰讀曰蓑蓑城謂以草覆城也蓑音先和反中讀曰仲

劉向以為時吳滅徐

師古曰事在昭三十年

而蔡滅沈

師古曰定四年蔡公孫姓帥師滅沈

楚圍蔡吳敗楚入

郢昭王走出

師古曰事並在定四年

劉歆以爲二日宋燕分定公

五年三月辛亥朔日有食之董仲舒劉向以爲後

鄭滅許

師古曰六年鄭游速帥師滅許以許男斯歸

魯陽虎作亂竊寶玉大

弓季桓子退仲尼宋三臣以邑叛

師古曰已解於上

劉歆以

爲正月二日燕趙分十二年十一月丙寅朔日有

食之董仲舒劉向以爲後晉三大夫以邑叛薛弑

其君

師古曰十三年晉趙鞅入于晉陽以叛荀寅士吉射入朝歌以叛薛殺其君比

楚滅頓胡

師古曰十四年楚公子結

帥師滅頓以頓子牂歸十五年楚人滅胡以胡子豹歸

越敗吳

師古曰十四年五月於越敗吳于檇李是也携音醉

衛逐

世子

師古曰十四年衛太子蒯聵出奔宋

劉歆以爲十二月二日楚鄭分十

五年八月庚辰朔日有食之董仲舒以爲宿在柳

周室大壞夷狄主諸夏之象也明年中國諸侯果

累累從楚而圍蔡

師古曰哀元年楚子陳侯隨侯許男圍蔡是也累累讀曰纍纍不絕之貌

蔡恐

遷于州來

師古曰哀二年十一月蔡遷于州來州來楚邑今下蔡縣是

晉人執戎蠻子歸

于楚

師古曰哀公四年晉人執戎蠻子赤歸於楚

京師楚也

師古曰言以楚爲京師

劉向以爲

盜殺蔡侯

師古曰哀四年蔡公孫緡殺蔡侯申翮非大夫故賤之而書盜

齊陳乞弑其君而

立陽生

師古曰哀六年齊陳乞弑其君荼荼即景公之子也陽生荼之兄即悼公也荼音塗

孔子終不用

劉歆以爲六月晉趙分哀公十四年五月庚申朔

日有食之在獲麟後劉歆以爲三月二日齊衛分

凡春秋十二公二百四十二年日食三十六穀梁

以爲朔二十六晦七夜二二日一公羊以爲朔二

十七二日七晦二左氏以爲朔十六二日十八晦
一不書日者二高帝三年十月甲戌晦日有
食之在斗二十度燕地也後二年燕王臧荼
反誅立盧綰爲燕王後又反敗十一月癸卯晦
日有食之在虛三度齊地也後二年齊王韓信
徙爲楚王明年廢爲列侯後又反誅九年六月
乙未晦日有食之旣在張十三度惠帝七年正
月辛丑朔日有食之在危十三度谷永以爲歲
首正月朔日是爲三朝尊者惡之五月丁卯
先晦一日日有食之幾盡

師古曰幾音鉅
依反後皆類此

在七星

初劉向以爲五月微陰始起而犯至陽其占重至其八月宮車晏駕有呂氏詐置嗣君之害京房易傳曰凡日食不以晦朔者名曰薄人君誅將不以理或賊臣將暴起日月雖不同宿陰氣盛薄日光也高后二年六月丙戌晦日有食之七年正月己丑晦日有食之旣在營室九度爲宮室中時高后惡之曰此爲我也明年應師古曰謂高后崩也文帝二年十一月癸卯晦日有食之在婺女一度三年十月丁酉晦日有食之在斗二十二度十一月丁卯晦日有食之在虛八度後四年四月丙辰晦日有食之在

東井十三度七年正月辛未朔日有食之景帝三年二月壬午晦日有食之在胃二度七年十一月庚寅晦日有食之在虛九度中元年十二月甲寅晦日有食之中二年九月甲戌晦日有食之三年九月戊戌晦日有食之幾盡在尾九度六年七月辛亥晦日有食之在軫七度後元年七月乙巳先晦一日日有食之在翼十七度武帝建元二年二月丙戌朔日有食之在奎十四度劉向以爲奎爲卑賤婦人後有衛皇后自至微興卒有不終之害

師古曰皇后自殺不終其位也

三年九月丙子晦日有食之在尾二度

五年正月己巳朔日有食之元光元年二月丙辰晦日有食之七月癸未先晦一日日有食之在翼八度劉向以爲前年高園便殿災與春秋御廩災後日食於翼軫同其占內有女變外爲諸侯其後陳皇后廢江都淮南衡山王謀反誅日中時食從東北過半晡時復元朔二年二月乙巳晦日有食之在胃三度六年十一月癸丑晦日有食之元狩元年五月乙巳晦日有食之在柳六度京房易傳推以爲是時日食從旁右法日君失臣明年丞相公孫弘薨日食從旁左者亦君失臣從上者臣失君

從下者君失民元鼎五年四月丁丑晦日有食之
在東井二十三度元封四年六月己酉朔日有食
之大始元年正月乙巳晦日有食之四年十月甲
寅晦日有食之在斗十九度征和四年八月辛酉
晦日有食之不盡如鉤在元二度晡時食從西北
日下晡時復昭帝始元三年十一月壬辰朔日有
食之在斗九度燕地也後四年燕刺王謀反誅元
鳳元年七月己亥晦日有食之幾盡在張十二度
劉向以爲己亥而旣其占重

孟康曰己土亥水也純陰故
食爲最重也日食盡爲旣

後六年宮車晏駕卒以亡嗣宣帝地節元年十二

月癸亥晦日有食之在營室十五度五鳳元年十
二月乙酉朔日有食之在婺女十度四年四月辛
丑朔日有食之在畢十九度是爲正月朔慝未作
左氏以爲重異元帝永光二年三月壬戌朔日有
食之在婁八度四年六月戊寅晦日有食之在張
七度建昭五年六月壬申晦日有食之不盡如鉤
因入成帝建始三年十二月戊申朔日有食之其
夜未央殿中地震谷永對曰日食婺女九度占在
皇后地震蕭牆之內咎在貴妾

師古曰蕭牆謂門屏也蕭
肅也人臣至此加肅敬也

二者俱發明同事異人共掩制陽將害繼嗣也宣

日食則妾不見

師古曰：賈讀曰但，下例並同。

賈地震則后不見異日

而發則似殊事亡故動變則恐不知是月后妾當

有失節之郵

師古曰：郵與尤同，尤過也。

故天因此兩見其變若曰

違失婦道隔遠衆妾

師古曰：遠音于萬反。

妨絕繼嗣者此二人

也杜欽對亦曰日以戊申食時加未戌土也中宮

之部其夜殿中地震此必適妾將有爭寵相害而

爲患者

師古曰：適讀曰嫡。

人事失於下變象見於上能應之

以德則咎異消忽而不戒則禍敗至

師古曰：忽急忘。

應之非

誠不立非信不行河平元年四月己亥晦日有食

之不盡如鉤在東井六度劉向對曰四月交於五

月月同孝惠日同孝昭東井京師地且既其占恐
害繼嗣日蚤食時從西南起三年八月乙卯晦日
有食之在房四年三月癸丑朔日有食之在昴陽
朔元年二月丁未晦日有食之在胃永始元年九
月丁巳晦日有食之在谷永以京房易占對曰元年
九月日蝕酒亡節之所致也獨使京師知之四國
不見者若曰湛涵于酒君臣不別禍在內也師古曰
湛讀曰
沈又讀
曰耽也永始二年二月乙酉晦日有食之在谷永以京
房易占對曰今年二月日食賦斂不得度民愁怨
之所致也所以使四方皆見京師陰蔽者若曰人

前漢五行志卷之十一
君好治宮室大營墳墓賦斂茲重而百姓屈竭師古

曰茲益也屈盡也音其勿反

禍在外也三年正月己卯晦日有食之

四年七月辛未晦日有食之元延元年正月己亥朔日有食之哀帝元壽元年正月辛丑日有食之不盡如鉤在營宮室十度與惠帝七年同月日二年三月壬辰晦日有食之平帝元始元年五月丁巳朔日有食之在東井二年九月戊申晦日有食之既凡漢著紀十二世二百一十二年日食五十三朔十四晦三十六先晦一日三成帝建始元年八月戊午晨漏未盡三刻有兩月重見京房傳曰婦

貞厲月幾望君子征凶

師古曰小畜上九爻辭也幾音鉅依反

言君弱而

婦彊爲陰所乘則月並出晦而月見西方謂之朏

朔而月見東方謂之朏

孟康曰朏者月行疾在日前故早見文隱者行遲在日後當沒而更

見師古曰朏音吐了反

朏隱則侯王其肅朏則侯王其舒劉向

以爲朏者疾也君舒緩則臣驕慢故日行遲而月

行疾也朏隱者不進之意君肅急則臣恐懼故日

行疾而月行遲不敢迫近君也不舒不急以正失

之者食朔日劉歆以爲舒者侯王晨意顓事臣下

促急故月行疾也肅者王侯縮朒不任事

服虔曰朒音怛怛之

臣鄭氏曰不任事之貌也師古曰朒音女六反

臣下弛縱故月行遲也

師古曰弛放也音式爾反

當

春秋時侯王率多縮朒不任事故食二日仄隱者
十八食晦日朒者一此其效也考之漢家食晦朒
者三十六終亡二日仄隱者歆說信矣此皆謂日
月亂行者也元帝永光元年四月日色青白亡景
韋昭曰日下無景也
無景謂唯質見耳正中時有景亡光韋昭曰無
光曜也是夏寒

至九月日乃有光京房易傳曰美不上人茲謂上

弱厥異日白七日不溫順亡所制茲謂弱孟康曰君
順從於臣

下無所
能制日白六十日物亡霜而死天子親伐茲謂不

知日白體動而寒弱而有任茲謂不亡日白不溫

明不動辟僞公行茲謂不伸孟康曰辟君也
有過而公行之厥異日

黑大風起天無雲日光晦

師古曰晦與闇同也

不難上政茲謂

見過日黑居戾大如彈丸成帝河平元年正月壬寅朔日月俱在營室時日出赤二月癸未日朝赤

且入又赤夜月赤甲申日出赤如血亡光漏上四

刻半乃頗有光燭地赤黃食後乃復京房易傳曰

辟不聞道茲謂亡厥異日赤三月乙未日出黃有

黑氣大如錢居日中央京房易傳曰祭天不順茲

謂逆厥異日赤其中黑闇善不予茲謂失知厥異

日黃夫大人者與天地合其德與日月合其明故

聖王在上總命羣賢以亮天功

師古曰虞書舜典帝曰咨二十有二人欽哉惟

時亮天功謂救六官十二牧四獄令各敬其職事信定其功順天道也故志引之

則日之光明五色

備具燭耀亡主有主則爲異應行而變也色不虛改形不虛毀觀日之五變足以監矣故曰縣象著明莫大乎日月此之謂也嚴公七年四月辛卯夜恒星不見夜中星隕如雨董仲舒劉向以爲常星二十八宿者人君之象也衆星萬民之類也列宿不見象諸侯微也衆星隕墜民失其所也夜中者爲中國也不及地而復象齊桓起而救存之也鄉亡桓公星遂至地中國其良絕矣

師古曰鄉讀曰嚮中國中夏之國也良猶信也劉

向以爲夜中者言不得終性命中道敗也或曰象

其叛也言當中道叛其上也天垂象以視下

師古曰視讀曰

示將欲人君防惡遠非慎卑省微以自全安也

師古曰遠

離也如人君有賢明之材畏天威命若高宗謀祖已

省視也
師古曰謂殷之武丁有雉雉之異而祖已訓諸王作高宗彤日高宗之訓

成王泣金縢

師古曰武王有疾周公作金縢之書

為王請命王翌日乃瘳後武王崩成王即位管蔡誅言而周公居東天雷電以風禾盡偃大木斯拔王啓金縢乃得周公代武王之說王執書以遺

使者逆公王出郊天乃雨反風禾則盡起

改過修正立信布德存亡繼絕修

廢舉逸下學而上達

師古曰下學謂博謀於羣下也上達謂通於天道而畏威

裁什一

之稅復三日之役

師古曰古之田租十稅其一歲役非庶不過三日也

節用儉服以

惠百姓則諸侯懷德士民歸仁災消而福興矣遂

莫肯改寤法則古人而各行其私意終於君臣乖

離上下交怨自是之後齊宋之君弑

師古曰莊八年齊無知弑其君諸兒

十二年宋萬弑其君捷也

譚遂邢衛之國滅

師古曰十年齊侯滅譚十二年齊人滅遂閔二年狄人入衛

僖二十五年衛侯燬滅邢

宿遷於宋

師古曰莊十年宋人遷宿蓋取其地也宿國東平無鹽縣是

蔡獲於

楚

師古曰莊十年荆敗蔡師于莘以蔡侯獻舞歸也

晉相弑殺五世乃定

師古曰謂殺奚齊卓子及

懷公也自獻公以至文公反國凡易五君乃定

此其效也左氏傳曰恒星不見夜

明也星隕如雨與雨偕也劉歆以為晝象中國夜

象夷狄夜明故常見之星皆不見象中國微也星

隕如雨如而也星隕而且雨故曰與雨偕也明雨

與星隕雨變相成也洪範曰庶民惟星易曰雷雨

作解

師古曰解卦象辭也

是歲歲在玄枵齊分墜也夜中而星

隕象庶民中離上也雨以解過施復從上下象齊

桓行伯復興周室也

師古曰伯讀曰霸

周四月夏二月也日

在降婁魯分壘也先是衛侯朔奔齊衛公子黔牟

立齊帥諸侯伐之天子使使救衛

師古曰已解於上

魯公子

溺顓政會齊以犯王命

師古曰溺魯大夫名也莊三年溺會齊師伐衛疾其專命故敗而去族天

子救衛而溺伐之故云犯王命

嚴弗能止卒從而伐衛逐天王所立

師古

日謂放黔牟也

不義至甚而自以爲功民去其上政繇下作

師古曰繇讀與由同次下亦同

尤著故星隕於魯天事常象也成帝永

始二年二月癸未夜過中星隕如雨長一二丈繹

繹未至地滅

師古曰繹繹光采貌

至雞鳴止谷永對曰日月星

前漢書卷之二十一

辰燭臨下土其有食隕之異則遐邇幽隱靡不咸

睹星辰附離于天猶庶民附離王者也王者失道綱紀廢

頓下將叛去故星叛天而隕以見其象春秋記異

星隕最大自魯嚴以來至今再見臣聞三代所以

喪亡者皆繇婦人羣小湛湎於酒師古曰湛讀曰沈又讀曰耽其下亦同

書云乃用其婦人之言四方之逋逃多罪是信是

使師古曰周書泰誓也言紂惑於妲己而昵近亡逃罪人信用之詩曰赫赫宗周褒姒威

之師古曰小雅正月之詩也顛覆厥德荒沈于酒師古曰大雅抑之詩

也刺王傾敗其德荒廢政事而耽酒及秦所以二世而亡者養生太奢奉

終大厚方今國家兼而有之社稷宗廟之大憂也

京房易傳曰君不任賢厥妖天雨星文公十四年七月有星孛入于北斗董仲舒以爲孛者惡氣之所生也謂之孛者言其孛孛有所妨蔽闇亂不明之貌也北斗大國象後齊宋魯莒晉皆弑君師古曰文

十四年齊公子商人弑其君舍十六年宋人弑其君杵臼十八年襄仲殺惡及視莒弑其君庶其宣二年晉趙穿攻靈公於桃園劉

向以爲君臣亂於朝政令虧於外則上濁三光之精五星羸縮變色逆行甚則爲孛北斗人君象孛星亂臣類篡殺之表也星傳曰魁者貴人之牢又曰孛星見北斗中大臣諸侯有受誅者一曰魁爲齊晉夫彗星較然在北斗中天之視人顯矣師古曰視讀曰

示史之有占明矣時君終不改寤是後宋魯莒晉

鄭陳六國咸弑其君

師古曰宋魯莒晉已解於上宣四年鄭公子歸生弑其君夷十年陳夏徵舒弑

其君齊再弑焉

師古曰再弑者謂商人殺舍而聞職等又殺商人

中國既亂夷狄

並侵兵革從橫楚乘威席勝深入諸夏

師古曰謂六

侵伐

師古曰謂宣十三年春楚子圍鄭夏與晉師戰于鄭晉師敗績十三年楚子伐宋十四年楚子圍宋成二年楚師侵衛遂

侵魯師于蜀成六年楚公子嬰齊帥師伐鄭

一滅國

師古曰謂宣十二年楚子滅蕭

觀兵周室師古

曰已解於上

晉外滅二國

師古曰謂宣十五年晉滅赤狄潞氏十六年滅赤狄甲氏也

內敗王師

師古曰謂成元年晉敗王師于貿戎是也

又連三國之兵大敗齊師于鞏師古

曰謂成二年晉卻克會魯季孫行父衛孫良夫曹公子首及齊侯戰于鞏齊師敗績鞏齊地

追亡逐北東臨

海水

師古曰謂逐之三周華不注又從之入自丘與擊馬陘東至海濱也

威陵京師武折大齊

皆孛星炎之所及流至二十八年

師古曰炎音弋星傳

又曰彗星入北斗有大戰其流入北斗中得名人

孟康曰謂得名臣也

不入失名人宋華元賢名大夫大棘之戰

華元獲於鄭

師古曰宣二年宋華元帥師及鄭公子歸生戰于大棘宋師敗績獲華元大棘宋地

傳舉

其效云左氏傳曰有星孛北斗周史服曰不出七

年宋齊晉之君皆將死亂

師古曰史服周內史叔服也

劉歆以為

北斗有環域四星入其中也斗天之三辰綱紀星

也宋齊晉天子方伯中國綱紀彗所以除舊布新

也斗七星故曰不出七年至十六年宋人弒昭公

師古曰即杵曰十八年齊人弒懿公

師古曰即商人

宣公二年晉趙穿

弑靈公昭公十七年冬有星孛于大辰董仲舒以爲大辰心也心爲明堂天子之象後王室大亂三

王分爭此其效也

師古曰三王已解於上

劉向以爲星傳曰心大

星天王也其前星大子後星庶子也尾爲君臣乖

離孛星加心象天子適庶將分爭也

師古曰適讀曰嫡

其在

諸侯角元氏陳鄭也房心宋也後五年周景王崩

王室亂大夫劉子單子立王猛尹氏召伯毛伯立

子鼃子鼃楚出也

師古曰姊妹之子曰出

時楚彊宋衛陳鄭皆

南附楚王猛旣卒敬王即位子鼃入王城天王居

狄泉莫之敢納五年楚平王居卒子鼃奔楚王室

乃定後楚帥六國伐吳吳敗之于雞父殺獲其君

臣

師古曰昭二十三年楚蘧姓帥師及頓胡沈蔡陳許之師與吳師戰于雞父楚師敗績胡子髡沈子逞滅獲陳大夫夏馮翳雞父

楚地也父讀曰甫

蔡怨楚而滅沈楚怒圍蔡吳人救之遂爲

柏舉之戰敗楚師屠郢都妻昭王母鞭平王墓師古

曰沈楚之與國定四年四月蔡公孫姓帥師滅沈以沈子嘉歸秋楚爲沈故圍蔡冬吳興師以救之與楚戰于柏舉楚師敗績庚辰吳入郢君舍乎君室大夫舍乎大夫室妻楚王之母撻平王之墓也此皆季彗流炎所及之效也

左氏傳曰有星孛于大辰西及漢申孺曰彗所以

除舊布新也

師古曰申須魯大夫

天事恒象今除於火火出必

布焉諸侯其有火災乎梓慎曰往年吾見是其徵也火出而見今茲火出而章必火入而伏其居火

也久矣其與不然乎火出於夏為三月於商為四

月於周為五月夏數得天若火作其四國當之在

宋衛陳鄭乎宋大辰之虛陳大昊之虛鄭祝融之

虛師古曰虛讀皆曰墟其下並同皆火房也星孛及漢漢水祥也衛顓

頊之虛其星為大水水火之牡也張晏曰水以天一為地二牡丙與午南方火也

子及壬北方水也又其配合其以丙子若壬午作乎水火所以合也

若火入而伏必以壬午不過見之月明年夏五月

火始昏見丙子風梓張晏曰是謂融風火之始也張晏

曰融風立春木風也火之母也火所始生也淮南子曰東北曰炎風高誘以為長氣所生也炎風一曰融風七日其火作

乎張晏曰自丙子至壬午凡七日戊寅風甚壬午大甚師古

曰大甚者
又更甚也

宋衛陳鄭皆火劉歆以爲大辰房心尾也

八月心星在西方孛從其西過心東及漢也宋大

辰虛謂宋先祖掌祀大辰星也陳太昊虛處義木

德火所生也

師古曰處
讀曰伏同

鄭祝融虛高辛氏火正也故

皆爲火所舍衛顓頊虛星爲大水營室也天星旣

然又四國失政相似及爲王室亂皆同哀公十三

年冬十一月有星孛于東方董仲舒劉向以爲不

言宿名者不加宿也

孟康曰不在二
十八宿之中也

以辰乘日而出亂氣

蔽君明也明年春秋事終一日周之十一月夏九

月日在氐出東方者軫角亢也軫楚角亢陳鄭也

或曰角元大國象爲齊晉也其後楚滅陳師古曰襄十七年楚

公孫朝帥師滅陳也田氏篡齊師古曰齊平公十三年春秋之傳終矣至公二十五年卒卒後七十年而康公爲田

和所滅六卿分晉師古曰晉出公八年春秋之傳終矣出公十七年卒卒後八十年至靜公爲韓魏趙所滅而三分其

地蓋晉之衰也六卿擅權其後范氏中行氏智氏滅而韓魏趙兼其土田人衆故摠言六卿分晉也此其效也劉

歆以爲孛東方大辰也不言大辰旦而見與日爭

光星入而彗猶見是歲再失閏十一月實八月也

日在鶉火周分野也十四年冬有星孛在獲麟

後劉歆以爲不言所在官失之也高帝三年七月

有星孛于大角旬餘乃入劉向以爲是時項羽爲

楚王伯諸侯師古曰伯讀曰霸而漢已定三秦與羽相距熒

陽天下歸心於漢楚將滅故彗除王位也一日項羽
阬秦卒燒宮室弑義帝亂王位故彗加之也文帝
後七年九月有星孛于西方其本直尾箕末指虛
危長丈餘及天漢十六日不見劉向以爲尾宋地
今楚彭城也箕爲燕又爲吳越齊宿在漢中負海
之國水澤地也是時景帝新立信用鼂錯將誅正
諸侯王其象先見後三年吳楚四齊與趙七國舉
兵反

師古曰四齊膠東七膠西菑川濟南也

皆誅滅云武帝建元六年六

月有星孛于北方劉向以爲明年淮南王安入朝
與太尉武安侯田蚡有邪謀而陳皇后驕恣其後

陳后廢而淮南王反誅八月長星出于東方長終
天三十日去占曰是爲蚩尤旗見則王者征伐四
方其後兵誅四夷連數十年元狩四年四月長星
又出西北是時伐胡尤甚元封元年五月有星孛
于東井又孛于三台其後江充作亂京師紛然此
明東井三台爲秦地効也宣帝地節元年正月有
星孛于西方去太白二丈所劉向以爲太白爲大
將彗孛加之掃滅象也明年大將軍霍光薨後二
年家夷滅成帝建始元年正月有星孛于營室青
白色長六七丈廣尺餘劉向谷永以爲營室爲後

宮懷任之象彗星加之將有害懷任絕繼嗣者一

曰後宮將受害也其後許皇后坐祝詛後宮懷妊者廢趙皇后立妹爲昭儀害兩皇子上遂無嗣趙

后姊妹卒皆伏辜元延元年七月辛未有星孛于

東井踐五諸侯

孟康曰五諸侯星名

出河戒北率行軒轅大微

後日六度有餘晨出東方十三日夕見西方犯次

妃長秋斗填蠡炎再貫紫宮中大火當後達天河

除於妃后之域南逝度犯大角攝提至天市而按

節徐行

服虔曰謂行遲

炎入市中旬而後西去五十六日

與倉龍俱伏谷永對曰上古以來大亂之極所希

有也察其馳騁驟步亡炎或長或短所歷奸犯師古

曰奸音干

內爲後宮女妾之害外爲諸夏叛逆之禍劉

向亦曰三代之亡攝提易方秦項之滅星孛大角是歲趙昭儀害兩皇子後五年成帝崩昭儀自殺哀帝即位趙氏皆免官爵徙遼西哀帝亡嗣平帝即位王莽用事追廢成帝趙皇后哀帝傳皇后皆自殺外家丁傅皆免官爵徙合浦歸故郡平帝亡嗣莽遂篡國釐公十六年正月戊申朔隕石于宋

五是月六鵠退飛過宋都董仲舒劉向以爲象宋襄公欲行伯道將自敗之戒也

師古曰伯讀明曰霸

石陰類五

陽數自上而隕此陰而陽行欲高反下也石與金

同類色以白為主近白祥也鵠水鳥六陰數退飛

欲進反退也其色青青祥也屬於貌之不恭天戒若

曰德薄國小勿持炆陽欲長諸侯與彊大爭必受

其害襄公不寤明年齊桓死伐齊喪師古曰僖十七年齊桓公卒十八年

宋襄公以諸侯伐齊執滕子圍曹師古曰十九年三月宋人圍曹為孟之會

與楚爭盟卒為所執後得反國師古曰二十一年春為鹿上之盟秋會于孟於是楚

執宋公以伐宋冬會于薄以釋之鹿上孟薄皆宋地不悔過自責復會諸侯伐鄭與

楚戰于泓軍敗身傷為諸侯笑師古曰二十二年夏宋公衛侯許男滕子伐鄭十

一月宋公及楚人戰於泓宋師敗績公傷股門官殲焉二十三年卒傷於泓故也泓水名也音於宏反左氏傳曰

隕石星也鵠退飛風也宋襄公以問周内史叔興

曰是何祥也吉凶何在對曰今茲魯多大喪明年

齊有亂

師古曰今茲謂此年

君將得諸侯而不終退而告人曰

是陰陽之事非吉凶之所生也吉凶繇人吾不敢

逆君故也

師古曰繇讀與由同

是歲魯公子季友帥季姬公孫

茲皆卒

師古曰僖十六年三月公子季友卒四月季姬卒八月公孫茲卒季姬魯女適鄆者也公孫茲叔孫戴伯也

明年齊桓死適庶亂

師古曰適讀曰嫡

宋襄公伐齊行伯卒

為楚所敗

師古曰已解於上伯讀曰霸

劉歆以為是歲歲在壽星其

衝降婁

師古曰降音戶江反

降婁魯分壅也故為魯多大喪正

月日在星紀厭在玄枵玄枵齊分壅也石山物齊

大獄後

師古曰齊姜姓也其先爲堯之四獄四獄分掌四方諸侯

五石象齊桓卒而五

公子作亂

師古曰五公子謂無虧也元也昭也潘也商人也

故爲明年齊有亂

庶民惟星隕於宋象宋襄將得諸侯之衆而治五

公子之亂星隕而鵠退飛故爲得諸侯而不終六

鵠象後六年伯業始退執於孟也

師古曰伯讀曰霸

民反德

爲亂亂則妖災生言吉凶繇人然后陰陽衝厭受

其咎齊魯之災非君所致故曰吾不敢逆君故也

京房易傳曰距諫自彊茲謂卻行歟異鵠退飛適

當黜則鵠退飛

師古曰適讀曰嫡

惠帝三年隕石繇諸壹

師古

曰繇諸道也屬天水郡也

武帝征和四年二月丁酉隕石雍二天

晏亡雲聲聞四百里

師古曰雍扶風之縣也晏天清也

元帝建昭元年

正月戊辰隕石梁國六成帝建始四年正月癸卯

隕石橐四肥累一

孟康曰皆縣名也故屬蜀具定師古曰橐音工老反累音力追反

陽朔三

年二月壬戌隕石白馬

師古曰東郡之縣名

鵠嘉二年五月

癸未隕石杜衍三

師古曰南陽之縣名

元延四年三月隕石都

關二

師古曰山陽之縣名

哀帝建平元年正月丁未隕石北地

十其九月甲辰隕石虞二

師古曰梁國之縣名

平帝元始二年

六月隕石鉅鹿二自惠盡平隕石凡十一皆有光

耀雷聲成哀尤屢

前漢五行志卷第七下之下

地理志卷第八上

班固

漢書二十卷

秘書監上誡護軍琅邪縣開國子顏

襲注

昔在黃帝作舟車以濟不通旁行天下

師古曰旁行謂四出而行之

方制萬里畫墾分州

師古曰方制制為方域也畫謂為之界也墾古野字也畫音獲

得百里

之國萬區是故易稱先王建萬國親諸侯

師古曰易比卦象辭

書云協和萬國

師古曰虞書堯典之辭也

此之謂也堯遭洪水襄

山襄陵

師古曰襄字與懷同懷包也襄駕也言水大汎溢包山而駕陵也

天下分絕為十二

州

師古曰九州之外有并州幽州營州故曰十二水中可居者曰州洪水汎大各就高陸人之所居九十二處

使禹治之水

土既平更制九州列五服

師古曰其數在下也

任土作貢

師古曰任其土地所

有以定貢賦之義也

曰禹敷土

師古曰敷分也謂分別治之自此已下皆是夏書禹貢之文

隨山栞木

箕高山大川

師古曰箕古刊字也箕定也言禹隨行山之形狀刊斫其木以爲表記使水通道故高山大川各得其安定

冀州既載

師古曰兩河間曰冀州載始也冀州堯所都故禹治水自冀州始也

壺口治梁及岐

師古曰壺口山在河東梁山在夏陽岐山在美陽即今之岐州岐山縣箭括嶺也禹循山而西治衆水

既脩大原

至于嶽陽

師古曰大原即今之晉陽是也嶽陽在大原西南

覃懷底績至于衡

章

師古曰覃懷近河地名也底致也績功也衡章謂章水橫派而入河也言禹於覃懷致功以至衡章也底音之履反

厥土惟

白壤

師古曰柔土曰壤也

厥賦上上錯

師古曰賦者發斂土地所生之物以供天子也上上第一也錯雜也

言第一又雜出諸品也

厥田中中

師古曰言其高下之形摠於九州之中爲第五也一曰謂其肥瘠之等差

恒衛既從大陸既作

師古曰恒衛二水名恒水出恒山衛水在靈壽大陸澤名在鉅

鹿北言恒衛之水各從故道大陸之澤已可耕作也

鳥夷皮服

師古曰此東北之夷搏取鳥獸食其肉而衣其

皮也一說居在海曲被服容止皆象鳥也

夾右碣石入于河

師古曰碣石海邊山名也

言禹來行此山之右而入于河逆上也

沛河惟兗州

師古曰沛本濟水之字從水而聲言此州東南據濟水西

北距河九河既道

師古曰九河河水分為九各從其道爾雅曰徒駭大史馬頰覆胡蘇簡絮鉤般鬲津是曰九

河一說道讀曰導導治也

雷夏既澤雍沮會同

師古曰雷夏澤名在濟陰城陽西北言此澤還

復其故而雍沮二水同會其中也沮音千余反

桑土既蠶是降丘宅土

師古曰降下也宅居也言

此地宜桑先時人衆避水皆上丘陵今水害除得以蠶織故皆下丘居平土也

歆土黑墳

師古曰色黑而墳起也墳音扶

粉中繇木條

師古曰中古草字也繇悅茂也條脩暢也繇音弋昭反

歆田中下

師古曰第六也

賦貞

師古曰貞正也刑第九賦亦正當也

作十有三年廼同

師古曰治水十三年廼同於它州言

用功多也歆貢漆絲

師古曰貢獻也地宜漆林又善蠶絲故以獻也

歆斐織文

師古曰斐與篚

同篚竹器篚屬也織文錦綺之類盛於篚篚而獻之

浮于沛漂通于河

師古曰浮以舟渡也沛漂二水

名漂水出東郡東武陽因水入水曰通漂音它合反

海岱惟青州

師古曰東北據海西南距岱岱即大山也

嶠夷既略惟留其道

師古曰嶠夷地名也即陽谷所在略言用功少也惟留二水名皆復故道

也惟水出琅邪箕屋山留水出泰山萊蕪縣惟字今作離留字或作留古今通用也一日道讀曰導導治也

厥土白

墳海瀕廣潟

師古曰瀕水涯也潟鹵鹹之地瀕音頻又音賓潟音昔

田上下賦中

上師古曰田第三賦第四

貢鹽絺海物惟錯

師古曰葛之精者曰絺海中物產既多故雜獻

岱畎絲枲鈇松怪石

師古曰畎小谷也枲麻屬也鈇青金也怪石石之次玉美好者也言岱山之谷出絲枲鈇松怪石五種皆獻之畎音工犬反

萊夷作牧厥棐屨絲

師古曰萊之夷地宜畜牧屨屨桑也食屨之蠶然可以弦琴瑟屨音鳥簾反

浮于汶達于沛

師古曰汶水出泰山郡萊蕪縣

原山言渡汶水西達于沛也汶音問

海岱及淮惟徐州

師古曰東至海北至岱南及淮

淮沂

其又蒙羽其藝

師古曰淮沂二水已治蒙羽二山皆可種藝也淮出大復山沂出泰山沂音牛依反

大野既豬東原底平

師古曰大野即鉅野澤也豬停水也東原地名底致也言大野之水既已

傳蓄也東原之地致功而平可耕稼也

厥土赤埴墳草木漸包

師古曰埴黏土也漸包言

相漸及包

田上中賦中中

師古曰田第二賦第五

貢土五色

師古曰王者取

裏而生

五色土封以為大社而

羽畎夏秋嶧陽孤桐

師古曰羽畎羽山之谷也夏秋狄雉

此州畢貢之言備有

之羽可為旌旄者也羽山之谷出焉嶧陽嶧山之陽也山南曰陽孤桐特生之桐也可為琴瑟嶧山之南生焉嶧音驛

泗潁

浮磬

師古曰泗水之涯浮出好石可為磬也泗水出濟陰乘氏

淮夷蠙珠泊魚

師古曰淮夷淮

水上之夷也蠙珠名泊及也言其地出珠及美魚也蠙音步千反字或作玼

厥篚玄纁縞

師古曰玄黑也

纁細縞也縞鮮支也即今所謂素者也言黼黑細縞及鮮支也

浮于淮泗達于河

師古曰渡二水而入

于淮海惟揚州

師古曰北據淮南距海

彭蠡蠡既豬陽鳥道居

師古

曰彭蠡澤名在彭澤縣西北陽鳥隨陽之鳥也言彭蠡之水既已蓄聚則鴻鴈之屬所共居之蠡音禮

三江既入

震澤底定

師古曰三江謂北江中江南江也震澤澤在吳西即具區也底致也言三江既入則震澤致定

篠簜

簞既敷

師古曰簞小竹也簞大竹也敷謂布地而生也簞音先了反又簞音蕩

中天木喬

師古曰天

盛貌也喬上竦也天音於驕反喬音橋又音驕

厥土塗泥

師古曰

田下下賦下上

錯師古曰田第九賦第七又雜出諸品

貢金三品

師古曰金銀銅

瑤瓊篠簜齒革

羽毛

師古曰瑤瓊皆美玉名也齒象齒也革犀革也羽毛謂衆鳥之羽可爲旄者也瓊音昆

鳥夷卉服

師古曰鳥夷東南之夷善捕鳥者也卉服絺葛之屬

厥斐織貝

師古曰織謂細布也貝水蟲也古以爲貨

厥包

橘柚錫貢

師古曰柚似橘而大其味尤酸橘柚皆不耐寒故包裹而致之也錫貢者須錫命而獻之言不常來也柚音弋

反均江海通于淮泗

師古曰均平也通淮泗而入江海故云平

荆及衡陽惟

荊州

師古曰北據荆山南及衡山之陽也

江漢朝宗于海

師古曰江漢二水歸入于海有似諸侯朝

於天子故曰朝宗宗尊也

九江孔殷

師古曰孔甚也殷中也言江水於此州界分爲九道甚得地形之中

沱潛旣

道雲夢土作乂

師古曰沱潛二水名自江出爲沱自漢出爲潛雲夢澤名言二水旣從其道則雲夢之上可爲

賦畝之治也沱音徒何反瀾音潛一曰道讀曰導導治也

厥土塗泥田下中賦上下師古

曰田第八賦第三

貢羽旄齒革金三品

師古曰自金已上所貢與楊州同

柁幹枯

柏厲砥砮丹

師古曰柁木似樗而實幹柁也枯木栢葉而松身厲磨也砥其尤細者也砮石名可爲矢金丹赤石

也所謂丹沙者也柁音丑倫反枯音古活反砥音指又音抵砮音奴

惟箇箛拊三國底貢厥

名

師古曰箇箛竹名拊木名也皆可爲矢言此州界本有三國致貢斯物其名稱美也箇音困箛音路拊音估

包匭

菁茅

師古曰匭桺也菁茅菜也可以爲菹茅可以縮酒苞其茅匭其菁而獻之匭音軌菁音精

厥斐玄纁

璣組

師古曰玄黑色纁絳也璣珠之不圓者組綬類也纁音動璣音機又音析

九江納錫大龜師古

曰大龜尺有二寸出於九江錫命而納不常獻也

浮于江沱漢逾于洛至于

南河

師古曰逾越也言渡四水而越洛乃至南河也南河在冀州南

荆河惟豫州

師古曰西南至

荆山北

伊雒瀍澗既入于河

師古曰伊出陸渾山雒出冢領山澗出穀成山澗出龜池山四水皆

入榮波既豬

師古曰榮流水決出所為也即今榮澤是也波道亦水名言其水並已遏聚矣一說謂榮水之波

荷澤被盟豬

師古曰荷澤在湖陵盟豬亦澤名在荷之東北言治荷音歌被音孟

馬之被盟音孟

厥土惟壤下土墳壚

師古曰高地則壤下地則墳壚謂土之剛

黑者也音盧

田中上賦錯上中

師古曰田第四賦第二又雜出第一

貢漆臬絺紵

斐織纊

師古曰紵織紵為布及練也

錫貢磬錯

師古曰錯治玉之石磬錯

言可以治磬也

亦待錫命而貢浮于洛入于河

師古曰因洛入河也

華陽黑水惟梁

州

師古曰東據華山之南西距黑水

嶠嶠既藝沱潛

師古曰嶠嶠山也

言水已去二山之上皆可種藝沱潛二水治從故道也嶠音曼嶠音波道讀曰導

蔡蒙旅平和夷底

績

師古曰蔡蒙二山名旅陳也旅平言已平治而陳祭也和夷地名亦以致功可耕稼也

厥土青黎

師古曰田第七賦第八又

貢璆

而細疎

田下上賦下中三錯

師古曰田第七賦第八又

鐵銀鑲砮磬

師古曰璆砮夫王也鑲剛鐵也磬砮石也璆音剡

熊羆狐狸織皮

師古

日織皮謂羆也言貢四獸之皮又貢雜羆

西頃因桓是俵

師古曰西頃山名在臨洮西南桓水名也言治

西頃山因桓水是來無它道也頃讀曰傾

浮于潢逋于沔

師古曰潢上曰沔音莫踐反

入于

渭亂于河

師古曰正絕流曰亂

黑水西河惟雍州

師古曰西據黑水東距西河西

河即龍門之河也在翼州西故曰西河

弱水既西

師古曰治使西流至合黎

涇屬渭汭

師古

曰屬逮也水北曰汭言治涇水入于渭也屬音之欲反汭音芮又音而悅反

漆沮既從酇水道同

師古曰漆沮即馮翊之洛水也酇水出鄠之南山言漆沮既從入渭酇水亦來同也適古攸字也攸所也沮音七余反

荆岐

既旅

師古曰荆岐二山名荆在岐東言二山治畢已旅祭

終南惇物至于鳥鼠

師古

曰終南惇物二山皆在武功鳥鼠山在隴西首陽西南自終南西出至于鳥鼠也

原隰底績至于豬

豷

師古曰豷高平曰原下豷曰隰豷豷地名言皆致功也

三危既宅三苗丕敘

師古曰三危山名已

可居也三苗本有苗氏之族從居於此厥土黃壤田上上賦
分而為三故言三苗今皆大得其次敘

中下師古曰田第一賦第六貢球琳瑯玕師古曰球琳皆玉名琅玕石似珠者也球音求又音虬琳

音林琅音干浮于積石至于龍門西河師古曰積石山在金郎玕音干

東之西界皆河水所經會于渭汭師古曰渭汭水西上織皮昆侖析

支渠叟西戎即敘師古曰昆侖析支渠叟三國名也言此諸國皆織皮毛各得其業而西方遠戎

並就次敘也道汧及岐至于荆山師古曰自此已下更說所治山水首尾之次也治山

通水故舉山言之汧山在汧縣西逾于河師古曰即梁山龍門壺口雷

首至于大嶽師古曰自壺口雷首而至大嶽也雷首在河東蒲反南大嶽即所謂嶽陽者底柱

析城至于王屋師古曰底柱在陝縣東北山在河中形若柱也析城山在漢澤西南王屋山在垣縣東北大

行恒山至于碣石入于海師古曰大行山在河內山陽西北恒山在上曲陽西北言二山

連延東北接碣石而師古曰朱西傾朱圉鳥鼠至于大華圉山在漢

陽翼縣南大華師古曰能耳在陝東外方在潁川能耳外方桐栢至于嵒尾故縣即山深高也桐栢在平氏東南

信尾在安陸東北言師古曰嵒尾在梁州南此荆道番冢至于荆山山在南郡臨沮東北嵒音波內方至于大

別師古曰方在荊州嵒山之陽至于衡山師古曰嵒山在蜀郡南此西衡山在長沙過九江至

于敷淺原師古曰敷淺原一名傳道弱水至于合黎餘

波入于流沙師古曰合黎山在酒道黑水至于三危入

于南海師古曰黑水出張掖雞山南流至燉煌過三危山又南流而入于南海道河積石至

于龍門師古曰積石山在河關西羌中龍門山在夏陽北言治

南至于華陰東至于砥柱師古曰自龍門南流以至又

東至于盟津師古曰盟讀曰孟孟津在洛陽之東過洛汭

至于大伾

師古曰洛汭洛入河處蓋今所謂洛口也山再重曰伾大伾山在成臯伾音平鄙反

北過降

水至于大陸

師古曰降水在信都大陸在鉅鹿

又北播為九河

師古曰播布也

同

為逆河入于海

師古曰同合也九河又合而為一名為逆河言相迎受也海即渤海是也

碯冢

道漾東流為漢

師古曰漾水出隴西氏道東流過武關山南為漢禹治漾水自碯冢始也漾音恙

又

東為滄浪之水

師古曰出荆山東南流為滄浪之水即漁父所歌者也浪音琅

過三陟至

于大別

師古曰三陟水在江夏竟陵滋音茲

南入于江

師古曰觸大別山而南入江也

東匯

澤為彭蠡

師古曰匯迴也又東迴而為彭蠡澤也匯音胡賄反

東為北江入于海

師古曰自彭蠡江分為三遂為北江而入海

岢山道江東別為沱

師古曰別而出也江東南流沱

東行也沱音徒河反

又東至于醴

師古曰醴水在荊州

過九江至于東陵

師古

曰東陵地名

東迤北會于匯

師古曰迤溢也東溢分流都共北會彭蠡也迤音弋爾反

東為

中江入于海

師古曰亦自彭蠡出

道汎水東流為沛

師古曰泉出王屋山名為

汎流去乃為沛也汎音弋鸞反

入于河軌為滎

師古曰軌與溢同言濟水入河並流而南截河又並流溢出乃

為滎澤也一日軌過也音逸

東出于陶丘北

師古曰陶丘丘再重也在濟陰定陶西南

又東至

于荷

師古曰即荷澤

又東北會於汶

師古曰濟與汶合

又北東入于海

師古曰北折而東也

道淮自桐柏東會于泗沂東入于海道渭

自鳥鼠同穴東會于酆又東至于涇又東過漆沮

入于河道路自熊耳東北會于澗瀍又東會于伊

又東北入于河九州道同

師古曰各以其所而同法

四奧既宅

師古

曰奧讀曰燠謂土之可居者也宅亦居也言四方之土已可定居也燠音於六反

九山栞旅

師古曰九州之山皆

已栞木通道而祭也

九川滌原

師古曰九州泉源皆已清滌無雍塞

九澤既陂

師古

曰九州陂澤皆師古曰四海之內同會京師四海會同師古曰四海之內同會京師六府孔修師古曰水火金

木土穀皆甚治庶土交正底慎財賦師古曰言象土各以其所出交易有無而不失正致慎貨財以

供貢賦咸則三壤成賦中國師古曰言皆隨其土田上中下三品而成其賦於中國也中國

京師也錫土姓祗台德先不距朕行師古曰台養也言封諸侯賜之土田因以

為姓所勸養者惟德為先故無距我之行也台音怡五百里甸服師古曰規方千里最近王城者為甸服則

四面五百里也甸之為言田也主為王者治田百里賦內總師古曰自此已下說甸服之內以差言之也總禾稟

揔入也內讀曰納下皆類此二百里內銍師古曰銍謂所刈即禾穗也銍音室三百里內

夏服師古曰夏稟也言服者謂有役則服之耳夏音工點反四百里粟五百里米

師古曰精者納少麗者納多五百里侯服師古曰此次甸服之外方五百里也侯侯也主斥侯而服事也百

里采師古曰又說侯服內之差次也二百里男國師古曰男采事也王事則供之不主一也

王者事三百里諸侯

師古曰三百里同主斥

五百里綏服

師古曰此又次

侯服外之五百里也綏安也言其安服王者政教

三百里揆文教

師古曰揆度王者文教而行之也三百里

皆同二百里奮武衛

師古曰奮其武力以肅王者二百里皆同

五百里要服

師古

曰此又次綏服外之五百里也要以文教要來之也要音一遙反

三百里夷

師古曰夷易也言行平易之法也三百里

皆同二百里蔡

師古曰蔡法也遵刑法而已二百里皆同

五百里采服

師古曰又次要服外

五百里此五服之最在外者也某言其某忽各因本俗

三百里蠻

師古曰蠻謂以文德蠻慕而覆之三百里皆同

二百里流

師古曰任其流移不考詰也二百里皆同

東漸于海西被于流沙

朔南洎聲教訖于四海

師古曰漸入也被加也朔北方也訖盡也言東入于海西加流沙北方南

方皆及聲教盡於四海也一曰漸浸洎及也

禹錫玄圭告厥成功

師古曰玄天色也堯以禹治水

功成故賜玄圭以表之也自此已上皆禹貢之文

後受禪於虞為夏后氏躬因

於夏亡所變改周既克殷監於二代而損益之定

官分職改禹徐梁二州合之於雍青師古曰省徐州以入青州并梁

州以合雍州分異州之地以為幽并故周官有職方氏師古

曰夏官之屬也職主也主四方之土也掌天下之地辯九州之國東南曰

揚州其山曰會稽師古曰在山陰縣藪曰具區師古曰藪大澤也具區在吳也

川曰三江師古曰江古侵字也川水之通流者也侵謂引以灌漑者五湖在吳其

利金錫竹箭民二男五女畜宜鳥獸師古曰鳥孔翠之屬獸犀象之

屬穀宜稻正南曰荊州其山曰衡藪曰雲夢川曰

江漢師古曰漢水出陽城陽乾山宜屬豫州許慎又云湛水豫州浸並未詳也湛音直林反又

直減反其利丹銀齒革民一男二女畜及穀宜與揚州

同河南曰豫州其山曰華

師古曰即華陰之華山也連延東出故屬豫州

藪曰

圃田

師古曰在中牟

川曰滎雒寢曰波

師古曰滎即洧水所溢者也波即上禹貢所云

滎波者也滎水在楚亦不當為豫州浸也滎音莊亞反

其利林漆絲枲民二男三女

畜宜六擾

師古曰馬牛羊豕犬雞也謂之擾者言人所馴養也擾音人沼反

其穀宜五種

師古曰黍稷菽麥稻

正東曰青州其山曰沂藪曰孟諸

師古曰沂山在莒縣

即沂水所出也孟諸即盟豬也

川曰淮泗寢曰沂沭

師古曰沭水出東莞音術

其利

蒲魚民二男三女其畜宜雞狗穀宜稻麥河東曰

兗州其山曰岱藪曰泰壑

師古曰即大野

其川曰河沛浸曰

盧維

師古曰盧水在濟北盧縣鄭康成讀曰雷非也

其利蒲魚民二男三女其

畜宜六擾穀宜四種

師古曰馬牛羊豕犬雞黍稷稻麥也

正西曰雍州其

山曰嶽

師古曰即吳嶽也

藪曰弦蒲

師古曰在研縣

川曰涇

師古曰在幽地詩

大雅公劉之篇曰納鞠之即

其浸曰渭洛

師古曰洛即漆沮也在馮翊

其利玉石

其民三男二女畜宜牛馬穀宜黍稷東北曰幽州

其山曰醫無閭

師古曰在遼東

藪曰獫狁

師古曰在長廣

川曰河

洿曰菑

師古曰菑出萊蕪時水出般陽

其利魚鹽民一男三女畜

宜四擾

師古曰馬牛羊豕

穀宜三種

師古曰黍稷稻

河內曰冀州

曰霍

師古曰在平陽永安縣東北

藪曰楊紆

師古曰爾雅曰秦有楊紆而此以為異州未詳其義

及所

川曰漳

師古曰漳水出上黨長子汾水出汾陽北山路出歸德

其利

松柏民五男三女畜宜牛馬穀宜黍稷正北曰并

州其山曰恒山藪曰昭餘祁

師古曰在大原陂縣陂音一戶反又音於庶反

曰虓池嘔夷窳曰涑易

師古曰虓池出鹵城嘔夷出平舒涑出廣昌易出故安虓音呼池音

徒何反嘔音於侯反

其利布帛民二男三女畜宜五擾

師古曰馬牛羊犬豕

穀宜五種而保章氏掌天文以星土辯九州之地

所封封域皆有分星以視吉凶

師古曰保章氏春官之屬也保守也言守天文之職

也分音扶問反

周爵五等而土三等公侯百里伯七十里子

男五十里不滿為附庸蓋千八百國而大昊黃帝

之後唐虞侯伯猶存帝王圖籍相踵而可知周室

既衰禮樂征伐自諸侯出轉相吞滅數百年間列

國耗盡

師古曰耗減也音呼到反

至春秋時尚有數十國五伯迭

興總其盟會

師古曰此五伯謂齊桓宋襄晉文秦穆也迭也迭互也伯讀曰霸迭音徒結反

陵夷

至於戰國天下分而爲七

師古曰謂秦韓魏趙燕齊楚也

合從連衡

經數十年秦遂并兼四海以爲周制微弱終爲諸

侯所喪故不立尺土之封分天下爲郡縣湯滅前

聖之苗裔靡有子遺者矣漢興因秦制度崇恩

德行簡易以撫海內至武帝攘卻胡越開地斥境

南置交趾北置朔方之州

師古曰胡廣記云漢既定南越之地置交趾刺史別於諸州今

特節治蒼梧分雍州置朔方刺史

兼徐梁幽并夏周之制改雍曰涼

改梁曰益凡十三部置刺史先王之迹旣遠地名

又數改易

師古曰數音所角反

是以采獲舊聞考迹詩書推

表山川以綴禹貢周官春秋下及戰國秦漢焉

師古

曰中古以來說地理者多矣或解釋經典或撰述方志競為新異妄有穿鑿安處附會頗失其旨後之學者因而祖述曾不考其謬論莫能尋其根本今並

京兆尹

故秦內史高帝元年屬塞國二年更為渭南郡九年罷復為內史武帝建元六

年分為右內史大初元年更為京兆尹

元始二年戶十九萬五千七百二

口六十八萬二千四百六十八

師古曰漢之戶口當元始時最為殷盛故志舉之以

為數也後

縣十二

長安

高帝五年置惠帝元年初城六年成戶八萬八百口二十四萬

六千二百王莽曰常安師古曰王莽篡位改漢郡縣名並易之也下皆類此

新豐

驪山在南故驪戎國秦曰驪邑高祖

七年置應劭曰大上皇思東歸於是高祖改築城寺街里以象豐徒豐民以實之故號新豐

船司空

莽曰船利服虔

曰縣名師古曰本主船之官遂以為縣

藍田

山出美玉有虎候山祠秦孝公置也

華陰

故陰晉秦惠文王五

年更名寧秦高帝八年更名華陰大華山在南有祠豫州山集靈宮武帝起莽曰華壇也

鄭

周宣王弟鄭桓公邑有鐵官應劭曰

宣王母弟友所封也其子與平王東遷更稱新鄭臣瓚曰周自穆王已下都于西鄭不得以封桓公也初桓公為周司徒王室將亂

故謀於史伯而寄幣與賄於虢會之間幽王既敗二年而滅會四年而滅虢居於鄭父之丘是以為鄭桓公無封京兆之文也師古曰春秋外傳云幽王既敗鄭桓公死之其子武公與平王東遷故左氏傳云我周之東遷晉鄭焉依又鄭莊公云吾先君新邑於此蓋道新鄭也穆王已下無都西鄭之事瓚湖有周天子祠二所故曰下邳應劭曰秦武說非也會音工外反胡武帝建元年更名湖

有上邳故加下師古曰邳音南陵文帝七年置沂水出藍田谷北至圭取邾戎之人而來為此縣霸陵入霸水霸水亦出藍田谷北入渭師古曰茲水秦穆公更名以章霸功視子孫沂音先歷反視讀曰示

奉明宣帝置也霸陵故芷陽文帝更名莽曰水杜陵故杜伯國宣帝更名有周右將章也杜陵軍杜主祠四所莽曰饒安也

左馮翊故秦內史屬塞國二年更名河上郡九年罷復為內史武帝建元六年分為左內史大初元年更名左馮翊

戶二十三萬

五千一百一口九十一萬七千八百二十二

縣二十四

高陵

左輔都尉治

櫟陽

秦獻公自雍徙葬曰千春

音櫟翟道

莽曰

池陽

惠帝四年置穀縣山在北應劭曰在池水之陽師古曰穀縣即今俗所呼差義

山是也音截又音夏陽故少梁秦惠文王十年更名禹貢梁山

才葛反又五葛反夏陽在西北龍門山在北有鐵官莽曰異亭

衙莽曰達昌如淳曰衙音牙師古要邑莽曰栗城谷口九變山在西有天齊公五

牀山僊人五帝祠四所莽曰谷冢師古曰蓮勺如淳曰音華酌廊莽曰脩

敷音頻陽秦厲公置應劭曰在頻水之陽臨晉故大荔秦獲之更名有河水

助曰臨晉水故曰臨晉臣瓚曰晉水在河之間此縣在河之西不得云

臨晉水也舊說曰秦築高壘以臨晉國故曰臨晉也師古曰瓚說是也

說者或以為魏文侯伐秦始置臨重泉莽曰郃陽應劭曰在郃

晉非也文侯重城之耳豈始置乎調泉郃陽水之陽也師

古曰音合即大雅大明武城之詩所謂在洽之陽武城

莽曰桓城師古曰即左氏傳沈陽襄德禹貢北條荆山在南

所云秦伐晉取武城者也沈陽制昌襄德下有彊梁原洛水東

南入渭雍州寢莽曰德徵是也左傳所云取北徵謂此地耳而杜元

驩師古曰襄亦懷字徵是也左傳所云取北徵謂此地耳而杜元

凱未詳雲陵昭帝萬年高帝置莽曰異赤師古曰三輔黃圖云

其處也雲陵置也萬年大上皇葬櫟陽北原起萬年陵是也

長陵

高帝置戶五萬五千七百七十九莽曰長平

陽陵

故弋陽景帝更名莽曰渭陽

雲

陽

有休屠金人及徑路神祠三所越巫帖鄭祠三所孟康曰船音辜磬之辜越人祠也鄭音穰休音許虬反晉音除

右扶風

故秦內史高帝元年屬雍國二年更為中地郡九年罷復為內史武帝建元六年分為右內史大初元年更名主爵都尉

為右扶風師古曰主爵都尉本秦之主爵中尉掌列侯至大初元年更名右扶風而治於內史右地故此志追書建元六年分為右內史又云

更名主爵都尉為右扶風

戶二十一萬六千三百七十七口八十三

萬六千七十

縣二十一

渭城

故咸陽高帝元年更名新城七年罷屬長安武

帝元鼎三年更名渭城有蘭池宮莽曰京城

槐里

周曰大丘懿王都之秦更名廢丘高祖三年更有黃山宮孝惠二年起莽曰槐治

鄠

古國有扈谷亭扈夏啓所伐鄠水出東南又有潏水皆北過上林苑入渭有蒨陽宮秦文王起師古曰潏音洩蒨音倍

敖

屋

有長楊宮有射熊館秦即王起靈輶渠武帝穿也

蔡

周后稷所封師古曰讀與郃同音胎

郁夷

詩周道郁夷有

汧水祠莽曰郁平師古曰小雅四牡之詩曰四牡駢駢周道倭遲韓詩作郁夷字言使臣乘馬行於此道

美陽

禹貢岐山在西

北中水鄉周文王所邑有**鄧**成國渠首受渭東北至上林入蒙**雍**
高泉宮秦宣太后起也

秦惠公都之有五時大吳黃帝以下祠三百三所橐泉宮孝公起祈
年宮惠公起棧陽宮昭王起有鑣官應劭曰四面積高曰雍師古曰

域音**漆**水在縣西有鑣**栢**邑有幽鄉詩幽國公劉所邑應劭曰
官莽曰漆治左氏傳曰畢原豐鄧文之昭也鄧

侯賈伯伐晉是也臣瓚曰汲郡古文晉武公滅荀以賜大夫原氏黜
是為荀叔又云文公城荀然則荀當在晉之境內不得在扶風界也

今河東有荀城古荀國師古曰瓚說是**隃**麋有黃帝子祠莽曰
也此栢讀與荀同自別邑耳非伐晉者扶亭師古曰隃音

踰**陳倉**有上公明呈黃帝孫舜妻音杜水南晉詩冒莽曰
冢祠有羽陽宮秦武王起也**杜陽**通杜師古曰大雅

縣之詩曰人之初生自土漆沮齊詩作自**汧**吳山在西古文以為
杜言公劉避狄而來居杜與漆沮之地汧山雍州山北有蒲

谷鄉弦中谷雍州弦蒲數汧水出西北入渭汧水出西北東入涇詩
芮隄雍州川也師古曰隄讀與鞠同大雅公劉之詩曰止旅乃密芮

鞠之即韓詩作芮隄言公劉止其**好**時堽山在東有梁山宮秦始
軍旅欲使安靜乃就芮隄之間耳**好**時堽山在東有梁山宮秦始

音丘**號**有黃帝子周文武祠**安陵**惠帝置莽曰嘉平師古曰
毀反**號**宮秦宣太后起也**安陵**關駟以為本周之程邑也

茂陵

武帝置戶六萬一千八百七口二十七萬七千三百

平陵

昭帝置莽

武功

大壹山古文以為終南垂山古文以為敷物皆在

至南鄭入沔有垂山斜水淮水祠三所

弘農郡

武帝元鼎四年置莽曰右

隊戶十一萬八千九十一口四十七萬五千九百

五十四

有鐵官

縣十一

弘農

故秦函谷關衙山領下

盧氏

熊耳山在東伊水出東北入雒過郡一行四百五十里又有

二行六百里莽曰昌

陝故虢國有焦城故焦國北號在大陽

宜

陽

在颍池有

日陝亭師古曰颍音

丹水

水出上雒冢領山東至析入鈞密陽

安

禹貢澗水在

商

秦相衛

析

黃水出黃谷鞠水出析谷俱東至

先歷反鞠水即今所謂菊
潭也酈音持益反端音專
陸渾春秋遷陸渾戎於此有
上雒貢

維水出冢領山東北至鞏入河過郡二行千七十里豫州川又有甲
水出秦領山東南至錫入河過郡三行五百七十里熊耳獲輿山在

東北師古
日錫音陽。河東郡秦置莽曰北陽戶二十三萬六千

八百九十六口九十六萬二千九百一十二

縣二十四 安邑巫咸山在南鹽池在西南魏絳自魏徙此大

陽吳山在西上有吳城周武王封大伯後於此是為虞公猗氏

解師古曰蒲反有堯山首山祠雷首山在南故曰蒲秦更名莽

孟康曰本蒲也晉文公以賂秦後秦人還蒲魏人喜曰蒲反矣謂秦

名之非也臣瓚曰秦世家云以垣為蒲反然則本非蒲也師古曰應

說河北詩魏國晉獻公滅之以封大左邑莽曰汾陰介山聞

喜故曲沃晉武公自晉陽徙此武帝元鼎六年行過更名應劭獲

日今曲沃也秦改為左邑武帝於此聞南越破改曰聞喜

澤

禹貢析城山在西南應劭曰有漢

端氏

臨汾

垣禹貢

王屋山在東北沁水所出東南至武德入河軼出滎陽北地中又東至琅槐入海過郡九行千八百四十里師古曰琅音郎槐音回

氏

耿鄉故耿國晉獻公滅之以賜大夫趙夙後十世獻侯徙中年有鐵官莽曰延平

長脩

平陽

韓武子玄孫貞

子居此有鐵官莽曰香平應劭曰堯都也在平河之陽

襄陵

有班氏鄉亭莽曰幹昌應劭曰襄陵在西北師古曰晉襄公之陵因

以名

堯

霍大山在東翼州山周厲王所奔莽曰黃城應劭曰順帝改曰永安

楊

莽曰有年亭應劭曰楊侯國

北

屈

禹貢壺口山在東南莽曰朕北應劭曰有南故稱北臣瓚曰汲郡古文翟章救鄭次于南屈師古曰屈音居勿反即晉公子夷吾所

居

蒲子

應劭曰故蒲反舊邑武帝置師古曰重耳所居也應說失之

絳

晉武公自曲沃徙此絳有鐵官應劭曰絳水

出西

狐謁

師古曰謁音之涉反騏侯國師古曰音其

大原郡

秦置有驪官在南陽屬并州

戶十六萬九千八百六十三口六十八萬四百八

十八

有家馬官臣瓚曰漢有家馬廐一廐萬匹時以邊表有事故分來在此家馬後改曰桐馬也師古曰桐音動

縣二十一

晉陽

故詩唐國周成王滅唐封弟叔虞安龍山在西北有鹽官晉水所出東入汾晉贊曰所

謂唐今河東永安是也去晉

後人

如淳曰音璫師古曰又音山寡反

界休

界美

師古曰休

榆次

涂水鄉晉大夫知徐吾邑梗陽鄉魏戊

音許此反

中都

九澤在北是為昭餘

于離

于合

茲氏

茲同

狼孟

狼調

鄔

祁并州藪晉大夫司

馬彌牟邑師古曰音

孟

孟丙邑

平陶

多穰

汾陽

北山汾水所出西南

至汾陰入河過郡二行

京陵

古曰即九京

陽曲

應劭曰河千

陽故曰陽曲也師古曰隨文帝自以姓陽故

大陵

有鐵官莽

原

平

祁

晉大夫賈辛

上艾

縣曼水東至蒲吾入庫池水

慮

虎

師古曰

陽邑

莽曰

廣武

河主賈屋山在北都尉治莽曰

云趙襄子北

上黨郡

秦置屬并州有上黨關壺口關

石研關天井關師古曰研音形

戶

戶

戶

七萬三千七百九十八口三十三萬七千七百六

十六 縣十四 長子 周史辛甲所封鹿谷山濁漳水所出東至鄴入清漳師古曰長讀曰

長短之長今俗為屯留 桑欽言絳水出西南東入海師古曰屯音純 余吾

長幼之長非也 同鞮 有上虎亭下虎聚師古曰虎音斯 沾 大鵬谷清漳水所出東北至邑成入大河過郡五行千六百八十里

翼州川應劭曰沾水出壺關師古曰沾音它兼反 涅氏 涅水也師古曰涅水出焉故以名縣也涅音乃結反 襄

垣 莽曰上壺關有羊腸阪沾水東至朝歌入淇應劭曰黎侯國也今黎亭是 泣氏 楊谷絕水所出

南至墜王入沁應劭曰山海經泣水所出者也師古曰泣皆工立反 高都 莞谷丹水所出東南入絕水有天井關師古曰

莞音各故潞 陪氏 師古曰音於義反 陽阿 穀遠 羊頭山世靡谷沁水所出

東南至滎陽入河過郡三行九百七十里莽曰穀近師古曰今沁水至懷州武陟縣界入河此云至滎陽疑轉為烏錯誤

河內郡 高帝元年為鄆國二年更名莽曰後隊屬司隸 戶二十四萬一千二百

四十六口百六萬七千九十七 縣十八

懷有五官莽

武德

孟康曰始皇東巡置

波

孟康曰今有絺

城晉文公

山陽

東大行山在西北師

河陽

莽曰

共

所得賜者

古曰行音胡郎反

故國北山淇水所出東至黎陽入河孟康

平阜

應劭曰邢侯自

日共伯入為三公者也

師古曰共音恭

桓公時衛人伐邢邢遷于夷儀其地屬晉號曰邢丘以其在河之阜

處執平夷故曰平阜

晉號曰邢丘以其在河之阜

也今襄國西有夷儀城去襄國百餘里邢是丘名非國也

師古曰應說非也左氏傳曰晉侯送女于邢丘蓋謂此耳

脩武

應劭曰晉始啓南陽今南陽城是也

朝歌

紂所都周武王弟康叔

所封更名衛莽曰雅歌

秦改曰脩武

晉始啓南陽今南陽城是也

越趙長平西伐脩武時秦未兼天下

溫

故國已姓蘇

櫟王

大

脩武之名久矣師古曰瓚說也是也

山在西北衛元君為秦所奪自濮陽徙此莽曰平櫟孟康

曰故刊國也今刊亭是也師古曰行音胡郎反

獲嘉

故汲之新中鄉武

軹

孟康曰原鄉晉文公所

沁水

帝行過更名也

軹

孟康曰原鄉晉文公所

沁水

師古曰沁

隆

音千浸反

慮

國水東北至信成入張甲河過郡三行千八百四十里有鐵官應

蕩陰

蕩水東至內黃澤西山姜水所出亦至內黃入蕩有

河南郡

故秦三川郡高帝更名雒陽戶五萬二千

戶二十

七萬六千四百四十四口一百七十四萬二百七

十九

有鐵官工官

縣二十二

雒陽

周公遷殷民

秋昭公二十二年晉合諸侯于秋泉以其地大成周之城居鄆王奔曰
宜陽師古曰魚豢云漢火行忌水故去洛水而加雒如魚氏說則光武
以後改爲

滎陽

水馮池皆在西南有狼湯渠首受沛東南至陳

亭是也師古曰狼音浪湯音

偃師

鄉殷湯所都莽曰師成臣

今亳有湯冢已氏有伊尹冢皆相近也師古曰瓚說非也又如皇甫
謐所云湯都在穀熟事並不經劉向云師古湯無葬處安得湯冢乎

京

師古曰即鄭

平陰

應劭曰在平城

中牟

圃田澤在西豫州

叔段所居也

南故曰平陰

藪有筦叔邑趙獻

侯自取徙此師平莽曰陽武有博狼沙莽曰陽河南故鄆地

古曰堯與管同治平陽武桓師古曰狼音浪河南周武王遷

九鼎周公致太平營以為都是為王城侯氏劉聚周大夫劉子邑有

至平王居之師古曰邲音夾邲音辱延壽城仙人祠莽曰中

亭師古曰緱師古曰音原武莽曰鞏東周穀成禹貢

音工侯反去權反原武原桓鞏所居穀成水出

亭北東南入雒師古故國有大驪山密潁入潁應劭曰密人不恭密須氏

曰即今新安音潛故市密潁入潁應劭曰密人不恭密須氏

姑姓之國也臣瓚曰密姬姓之國也見廿本密須今安定陰密是也師

古曰應瓚二說皆非也此密即春秋僖六年圍新密者也蓋鄭地而詩

所云密人即左傳所謂密須之鼓者也在新成惠帝四年置蠻國開

安定陰密騶音隗翼又音昌力反新成中故戎蠻子國開

封逢池在東北或曰宋之逢澤也臣瓚曰汲郡古文梁惠成阜故

牢或曰制師古曰穆天子傳云七萃之士生苑陵左亭梁秦滅西

捕獸即獻天子天子畜之東統號曰獸牢苑陵左亭梁秦滅西

周徙其君於此陽人聚秦滅東周徙其君於此應劭曰左傳曰秦取

梁梁伯翳之後與秦同祖臣瓚曰秦取梁後改曰夏陽今馮翊夏陽

是也此梁周之小邑見於春秋新鄭詩鄭國鄭桓公之子武公

師古曰瓚說是也愚音乃旦反新鄭所國後為韓所滅韓自平

是也此梁周之小邑見於春秋新鄭詩鄭國鄭桓公之子武公

師古曰瓚說是也愚音乃旦反新鄭所國後為韓所滅韓自平

陽徙都之應劭曰國語曰鄭桓公為周司徒王室將亂寄帑與賄於虢會之閒幽王敗桓公死之其子武公與平王東遷洛邑遂伐虢會而并其地而邑於此。東郡秦置莽曰治亭屬兗州戶四十萬一千二百九

十七口百六十五萬九千二十八 縣二十二

濮陽衛成公自楚丘徙此故帝丘顯項虛莽曰治畔觀莽曰

應劭曰夏有觀邑世祖更名衛國以封周後師古曰觀音工喚反 聊城 頓丘莽曰順丘師古

丘一成為頓丘謂一頓而成也或曰成重也一重之丘也 發干莽曰戡楯范莽曰建睦莊平莽曰功崇

莊山之平地者也 師古曰音仕疑反 東武陽禹治漯水東北至千乘入海過郡三行

也師古曰累音它合反 博平莽曰加睦黎莽曰黎治孟康曰詩黎侯國今黎陽也

是 清莽曰清治應劭曰東阿都尉治應劭曰衛離狐莽曰

臨邑有沛廟莽曰穀城亭師古曰利苗 須昌故須句國大

沛亦濟水字也其後並同

吳後風姓師

古曰句壽良蚩尤祠在西北沛上有胸城應劭曰世祖叔父名良故曰壽張樂昌陽平

白馬南燕南燕國姑姓黃帝後師古曰姑音甘乞反廩丘陳留郡武帝元狩元年

兖州戶二十九萬六千二百八十四口一百五十萬

九千五十縣十七陳留魯渠水首受狼湯渠東至陽夏入渦渠孟康曰留鄭小黃

邑也後為陳所并故曰陳留臣瓚曰宋亦有留彭城留是也留屬陳故稱陳留也師古曰瓚說是也渦音戈

成安寧陵莽曰康善子孟康曰故葛伯國今葛鄉是雍丘故杞國也周武王封禹後東樓公先春秋

時徙魯東北二十一世簡公為楚所滅酸棗東昏莽曰襄邑有服官莽曰襄平應劭曰春秋傳曰

師于襄牛是也師古曰園稱云襄邑宋也本承匡襄陵鄉也宋襄公所葬故曰襄陵秦始皇以承匡卑淫故徙縣於襄陵謂之襄邑縣西三

十里有承匡城然則外黃都尉治張晏曰魏郡有內黃故加外應說以為襄牛誤也臣瓚曰縣有黃溝故氏之也師古曰

左氏傳曰惠公敗宋師于黃杜預封丘濮渠水首受沛東北至都關入羊里水過郡三行六

百三十里孟康曰春秋傳敗狄于長丘今翟溝是長羅侯國莽曰惠澤尉氏應劭曰古獄官曰尉氏鄭之別獄也

臣瓚曰鄭大夫尉氏之邑故遂以為邑師古曰鄭大夫尉氏亦以掌獄之官故為族目應說是也儁莽曰順通應劭曰鄭伯克段於

鄆是也師古曰儁音偃長垣莽曰長固孟康曰春秋會于匡今匡城是平丘濟陽莽曰濟前浚

儀故大梁魏惠王自安邑徙此睢水首受狼湯水東至取慮入泗過郡四行千三百六十里應劭曰魏惠王自安邑徙此號曰梁

師古曰取慮縣名也音狄廬取又音趨。潁川郡秦置高帝五年為韓國六年復故莽曰左隊陽翟有工官屬豫

州孟康曰夏啓有鈞臺之饗今鈞臺在南戶四十三萬二千四百九十一口

二百二十一萬九百七十三縣二十陽翟禹

國周末韓景侯自新鄭徙此戶四萬一千六百五十口十萬九千莽曰潁川應劭曰夏禹都也臣瓚曰世本禹都陽城汲郡古文亦云居

之不居陽翟也師古曰陽翟本禹所受封耳應瓚之說皆非昆陽應劭曰昆水出南陽潁陽應劭曰潁水出

陽城定陵有東不羹莽曰定城師古曰羹音郎其後亦同長社應劭曰宋人闢長葛是也其社中樹暴長更名長社

師古曰長新汲師古曰闕駰云本汲鄉也宣帝神爵三年置以河內有汲故加新也襄城有西不羹莽曰

新級

師古曰闕駟云李汲鄉也宣帝神爵三年置以河內有汲故加新也

襄城有西不
羹莽曰

城相
郾

師古曰
一戰反

音邲

師古目
音夾

舞陽

應劭曰舞
水出南

潁陰

宗直

武帝置以奉大室山是爲中岳有方室方室山也
朝古文以崇高爲外方山也師古曰室古崇字言

古同義
姓四丘

後大叔所封二
四世爲楚所滅

十
僞陵

戶四萬九千一百一十二口二十六萬一千一百一十八葬曰左亭李奇曰六國爲安

陵師古
僂音偃

臨

穎
監穎

父城

韓詩外傳周成王與弟戲以桐葉

爲圭吾以此卦涉周公曰天子無虛言王所居而卦曰應作終
是也呂氏春秋曰成王以戲授桐葉爲圭以封叔虞非應

侯也汲郡古文昭明曰自有國非成三之所達也自古
弟自封應國非桐圭之事也應氏之說蓋失之焉又據左氏傳云
晉襄王伐之虜也則是則應父之吳國同父木侯國元帝置

侯武王之子又與志說不同

成安

所出

東南至長

元始二年更
平入潁過郡

美休音許虬反

陽城

三行五百里陽乾山潁水所出東至下蔡

入淮過郡三行千五百里荆州府有
鐵官師古曰乾音千涓音于軌反

綸氏

汝南郡

置莽

曰汝汾分爲賞 戶四十六萬一千五百八十七口二
都尉屬豫州

百五十九萬六千一百四十八 縣三十七

平輿 應劭曰故沈子國今 陽安 應劭曰道國 陽城 侯國莽

隱強 應劭曰隱水出潁川陽城師 富波 女陽 應劭曰

弘農入淮師古曰女讀 鮦陽 應劭曰在鮦水之陽 吳房 孟康

曰汝其下汝陰亦同 此爲堂谿氏以封吳故曰吳房今吳房城堂谿亭是 安成 侯

莽曰 南頓 故頓子國姬姓應劭曰頓迫於陳 郎陵 應劭曰郎

南 細陽 莽曰樂慶師古曰居細水之陽故曰 宜春 侯國莽 女

陰 故胡國都尉 新蔡 莽平侯自蔡徙此後二 新息 莽曰新德

治莽曰汝墳 息國 其後徙 濯陽 應劭曰濯水出吳房東入潁也師古 期思

東故加新云 濯陽 曰濯音劬觀音楚人反又音楚乃反

師古曰慎陽應劭曰慎水出東北入淮師古曰慎字本作慎音

故蔣國真後誤為慎耳今猶有真丘真陽縣字並單作真

知其音不改也闕駟云永平五年失印更刻遂誤以水為心

慎陽慎陽曰召陵師古曰即齊桓公伐楚次于召

陵者也召弋陽侯國應劭曰弋山在西西平有鐵官莽曰新

讀曰邵北故黃國今黃城是西平亭應劭曰故柏

子國也今柏亭是上蔡故蔡國周武王弟叔度所封度放蔡莽曰閏治

叔敖子所邑之蔡丘是也世祖西華莽曰長平莽曰宜祿莽曰

更名固始師古曰蔡音子狂反西華華望長平長正宜祿應劭曰孫

莽曰賞項國故新邾莽曰新延應劭曰秦伐魏取邾丘漢興為

都亭新邾章帝封歸德侯國宣帝置新陽莽曰

躬後于宋又封新邾師古曰封歸德侯國宣帝置新陽莽曰

於新邾號為宋國耳瓚說非歸德侯國宣帝置新陽莽曰

應劭曰在安昌侯國莽曰均夏應劭博陽侯

新水之陽安昌侯國莽曰均夏應劭博陽侯

莽曰成陽侯國莽曰均夏應劭博陽侯

樂家成陽侯國莽曰均夏應劭博陽侯

日新利定陵高陵山汝水出東南至新蔡入

淮過郡四行千三百四十里

南陽郡秦置莽曰前戶三十五萬九千三百一十

秦屬荊州

六口一百九十四萬二千五十一 縣三十六

宛

故申伯國有屈申城縣南有北筮山戶四萬七千五百四十七有工官鐵官莽曰南陽

雙

師古曰音昌牛反

杜衍

莽曰南庚孟康曰音讚師古曰即蕭何所封

育陽

有南筮聚在東北應劭曰

育水出弘農盧氏南入于沔

博山

侯國哀帝置故順陽應劭曰漢明帝改曰順陽在順水之陽也師古曰順陽舊

名應

涅陽

莽曰前亭應劭曰在涅水之陽師古曰涅音刀結反

陰

師古曰即春秋左氏傳所云遷陰於

下陰者也與鄧相近今襄州有陰城縣縣有鄧城鄉

堵陽

莽曰陽城韋昭曰堵音者雉衡山澧水所出東至鄧入

汝師古曰舊讀雉音弋爾反而大康地志云即陳倉人所逐二童子名寶雞者雉止陳倉倉為石雌止此縣故名雉縣疑不可據

也鄧

山都

蔡陽

莽之母功顯君邑應劭曰蔡水所出東入淮

新野

筑陽

故穀伯國莽曰宜禾應劭曰筑水出漢中房陵東入沔師古曰春秋云穀伯綏來朝是也今襄州有穀城縣在筑水之陽筑音逐

棘陽

應劭曰在棘水之陽

武當

舞陰

中陰山瀕水所出東至蔡入汝

西鄂

應劭

曰江夏有鄂穰莽曰農穰師古曰今鄧育水出西北南入漢故如西云

蹠安衆侯國故宛西鄉冠軍武帝置故穰盧陽鄉宛臨駢聚應劭曰武帝以封霍去病去病仍出征匈奴功

冠軍諸軍故曰比陽應劭曰比水平氏禹貢桐柏大復山在東南淮水所出東南至淮

陵入海過郡四行三千二百隨故國厲鄉故厲國也葉楚葉公四十里青州川莽曰平善師古曰厲讀曰賴

城號曰方城師鄧故國都尉治應朝陽莽曰厲信應劭曰在朝水之陽魯陽古曰音式涉反

有魯山古魯縣御龍氏所遷魯山潢水所出東北至定陵入汝又有昆水東南至定陵入汝師古曰即淮南所云魯陽公與韓戰曰

反三舍者也潢春陵侯國故蔡陽白水鄉上唐鄉故唐國師古音峙又音雉曰漢記云元朔五年以零陵冷道之春陵

鄉封長沙王子員為春陵侯至戴侯仁以春陵地彤下涇新都上書徙南陽元帝許之以蔡陽白水鄉徙仁為春陵侯

侯國莽湖陽故廖國也師古曰廖音力救紅陽侯國莽曰紅

音樂成侯國莽復陽侯國故湖陽樂鄉應劭曰在桐柏下復山之陽師古

音樂成侯國莽復陽侯國故湖陽樂鄉應劭曰在桐柏下復山之陽師古

曰復音
房目反

南郡

秦置高帝元年更為臨江郡五年復故景帝二年復為臨江中二年復故莽曰南順屬荆

州

戶十二萬五千五百七十九口七十一萬八千

五百四十

有發弩官師古曰主教放弩也

縣十八

江陵

故楚郢都楚文王自

丹陽徙此後九世平王城之後

臨沮

禹貢南條荆山在東北漳水所出東至江陵入陽水陽水

入沔行六百里應劭曰沮水出漢中房陵東入江師古曰沮水即左傳所云江漢沮漳楚之望音千余反

夷陵

都尉治莽曰居

利應劭曰夷山在西北

華容

雲夢澤在南荆州數夏水首受江東入沔行五百里應劭曰春秋許遷于容城是

宜城

故鄢惠帝三年更名

郢

楚別邑故郢

郢

孟康曰音忌師古曰音其已反

當陽

中廬

師古曰在襄陽縣南今猶有次廬村以隋室諱忠故改忠為次

枝江

故羅國江沱出西東入江師古曰沱

即江別出者也音徒何反

襄陽

莽曰相陽應劭曰在襄水之陽

編

有雲夢官莽曰南順孟康曰編音鞭

秭

歸歸鄉故歸國孟康曰秭音姊

夷道

莽曰江南應劭曰夷水出巫東入江

州陵

莽曰江夏

若

楚昭王畏吳自郢徙此後復還郢師古曰春秋傳作郢其音同巫夷水東至夷道入江過郡二行五百里有鹽官應劭曰巫山在西南

高成泥山泥水所出東入縣繇水南至華容入江過郡二行五百里莽曰言程師古曰泥音危繇讀曰由

江夏郡高帝置屬荊州應劭曰沔水自江別至南郡華容爲江夏水過郡入江故曰江夏戶五萬六千

八百四十四口二十一萬九千二百一十八縣十

四西陵有雲夢官莽曰江陽竟陵章山在東北古文以爲內方山鄒鄉楚鄧公邑莽曰守平師古曰音

云西陽襄莽曰襄非邾衡山王吳芮都師古曰音朱又音誅軼故弦子國孟康曰音伏師古曰又音

徒系反鄂師古曰音五各反安陸橫尾山在東北古文以爲倍尾山沙羨晉灼曰羨音夷蘄

春晉灼曰音祈郢蘇林曰音音師古曰音萌又音莫耿反雲杜應劭曰左傳若敖取於郢今郢亭是也師古曰郢音

云下雉莽曰閭光如傳鍾武侯國莽曰當利廬江郡故淮南文帝十六年別爲

國金蘭西北有東陵鄉淮水出屬楊州廬江出陵陽東南北入江應劭曰故廬子國戶十二萬四千三

百八十三口四十五萬七千三百三十三

有樓船官

縣十二

舒

故國莽曰昆鄉

居巢

應劭曰春秋楚人圍巢巢國也

龍舒

應劭曰

臨湖

雩婁

使水北至蕩入淮又有灌水亦北至蕩入決過郡二行五百一十里師古曰雩音許于反婁音

力于反

襄安

莽曰廬江亭也

縱陽

師古曰音七容反

尋陽

禹貢九江在南楚南皆東合為大江

天柱山在南有祠此山泚水所出北至壽春入芍陂晉灼曰音潛師古曰泚音比又音布八反芍音酌又音鵲

音胡湖陵邑

北湖

松茲

侯國莽曰誦善

九江郡

秦置高帝四年更名為淮

南國武帝元狩元年復故莽曰延平屬揚州應劭曰江自廬江尋陽分為九

戶十五萬五十二

口七十八萬五百二十五

有陂官

縣十五

壽春邑

楚考烈王自陳徙此

浚適

晉灼曰音酉熟之酉師古曰浚音峻適音才由反

成德

莽曰

孟康曰音柘姑

陰陵

莽曰陰陸

歷陽

都尉治莽曰明義

當塗

侯國莽曰山聚應劭曰禹所娶塗山

侯國也鍾離莽曰蠶富應劭合肥應劭曰夏水出父城東南有禹虛鍾離曰鍾離子國

東城莽曰武城博鄉侯國莽曰揚陸曲陽侯國莽曰延平亭應建陽

全椒 阜陵莽曰阜陸山陽郡故梁景帝中六年別為山陽國武帝建元五年別為郡莽

曰鉅野戶十七萬二千八百四十七口八十萬一千屬兖州

二百八十八有鐵縣二十三 昌邑武帝天漢四年更山陽為昌邑國有

梁丘鄉春秋傳曰宋齊會于梁丘南平陽莽曰詎平孟康曰邾庶期以成武有楚

丘亭齊桓公所城遷衛文公於此子成公徙濮陽莽曰成安湖陵禹貢降于泗唯通于河水

書一名湖章帝封東平王倉子為湖陵侯更名湖陵東緡師古曰春秋僖二十三年齊方

與晉灼曰音房豫橐莽曰高平鉅野大野澤在單父都尉治莽曰利

甫溥臣瓚曰都關城都侯國莽黃侯國爰戚侯國莽

郅成

侯國莽曰告成

中鄉

侯國平樂

侯國包水東北至沛入泗

鄭

侯國瑕丘

應劭曰瑕

丘在西南

留鄉

侯國師古曰音測其反

栗鄉

侯國莽曰足亭

曲鄉

侯國

西陽

侯國

濟陰郡

故梁景帝中六年別為濟陰國宣帝甘露二年更名定陶禹貢荷澤在定陶東屬兗州師古曰荷音柯

戶二十九萬二千五百三十八萬六千二百七

十八縣九定陶

故曹國周武王弟叔振鐸所封禹貢陶丘在西南陶丘亭

冤句

莽改定陶曰濟平冤句縣曰濟平亭師古曰音劬

呂都

莽曰都

葭密

師古曰葭音家

成陽

有堯

冢靈臺禹貢雷澤在西北

鄆城

莽曰鄆良師古曰鄆音工椽反

句陽

應劭曰左氏句瀆之丘也師古曰音鈞

柁

莽曰萬歲孟康曰音妒

乘氏

泗水東南至睢陵入淮過郡六行千一百一十里應劭曰春秋敗宋師于乘丘是也

師古曰睢音雖

沛郡

故秦泗水郡高帝更名莽曰吾符屬豫州

戶四十萬九千七十

九口二百三萬四百八十

縣三十七

相

莽曰吾符亭

龍亢

晉灼曰竹莽曰篤亭李亢音岡竹奇曰今竹邑

穀陽

應劭曰在穀水之陽

蕭

故蕭叔國宋別封附

庸向

故國春秋曰昔人入向姜姓炎帝後師古曰音餉

金鉉

師古曰鉉音竹乙反

廣戚

侯國莽曰力聚

下蔡

故州來國爲楚所滅後吳取之至夫差遷昭侯於此後四世侯齊音爲楚所滅

豐

莽曰吾豐單城

孟康曰譙

莽曰延

鄴

鄉高祖破黥布都尉治莽曰鄴城師古曰鵠音直志反

屯

莽曰貢音多

音貢輒與

華樂

山桑

公丘

侯國故滕國周懿王子錯叔繡文公所封三十一世爲齊所滅

師古曰左氏傳云郕雍曹滕文之昭也系本亦云錯叔繡滕文王子而此志云懿王子未詳其義耳

符離

莽曰

符離

符合

劭

侯國應劭曰春秋遇于

夏丘

莽曰

洩

莽曰育成應劭曰洩水

丘

侯國應劭曰春秋遇于

夏丘

莽曰

洩

莽曰育成應劭曰洩水

莽曰

洩

莽曰育成應劭曰洩水

莽曰

洩

所出南入淮師古曰洩音肴

沛

有鐵

芒

莽曰博治應劭曰世祖更名臨睢睢

芒

莽曰

芒

莽曰

芒

莽曰

建成

侯城父

夏肥水東南至下蔡入淮過郡

二行六百二十里莽曰思善

建平

侯國莽曰田平

鄧

莽曰

鄧

莽曰

鄧

莽曰贊治應劭曰音嵯師古曰此縣本爲鄧應音是也中古以來借鄧字爲之耳讀皆爲鄧而莽呼爲贊治則此縣亦有贊音栗

侯國莽扶陽侯國莽曰成富高侯國莽曰合治高柴侯國莽曰合治漂陽如淳曰漂音票平阿

侯國莽東鄉臨都義成祁鄉侯國莽曰會穀魏郡

高帝置莽曰魏城屬冀州戶二十一萬二千八百四十九口九十

萬九千六百五十五縣十八鄴故大河在官陶

河水別出為屯氏河東北至章武入海過郡四行千五百里

斤丘莽曰利丘應劭曰斤丘在西

鹵故曰沙內黃清河水出南應劭曰春秋吳子晉侯會于黃池今黃澤在西陳留

有外黃故加內云臣瓚曰國語曰吳子會諸侯於黃池掘溝於齊唐之間今陳外黃有黃

溝是也史記曰伐宋取黃池然則不得在魏郡明矣師古曰瓚說

是也應清淵應劭曰清魏郡尉治莽曰魏城亭繁陽應劭曰在繁水

說失之之陽張晏曰元城應劭曰魏武侯公子元食邑於此因而遂氏焉梁期

黎陽莽

黎蒸晉灼曰黎山在其南河水經其東其

即裴侯國莽曰即裴應劭曰裴音非

山上碑取山之名耳水在其陽以為各

即裴

應劭曰裴音非

應劭曰裴音非

應劭曰裴音非

應劭曰裴音非

應劭曰裴音非

武始

漳水東至邯鄲入漳又有拘瀾水東南至邯鄲入白渠應劭曰拘音矩

邯會

侯國張晏曰漳水之別自城西

南與邯山之水會今城旁猶有溝渠在也師古曰邯音下安反

陰安

平恩

侯國莽曰延平

邯溝

侯國師古曰邯水之溝

武安

欽口山白渠水所出東至列入漳又有瀋水東北至東昌入漳池河過郡五行六百一里有

鐵官莽曰桓安師古曰瀋音子枉反亭音呼池音徒何反其下並同

鉅鹿郡

秦置屬冀州

戶十

五萬五千九百五十一口八十二萬七千一百七

十七

縣二十

鉅鹿

禹貢大陸澤在北紂所作沙丘臺在東北七十里應劭曰鹿林之大

者也目瓚曰山足曰鹿師古曰應說是

南臨

莽曰富平孟康曰臨音良全反

廣阿

象氏

侯國

莽曰

廩陶

師古曰廩音一井反

宋子

莽曰

楊氏

莽曰

臨平

下曲

陽

都尉治應劭曰晉荀吳滅鼓今鼓聚昔陽亭是也師古曰常山有上曲陽故此云下

貴

師古曰音

邯

莽曰秦聚師古曰音苦么反又差梟反

新市

侯國莽曰市樂

堂陽

有鹽官嘗分為經縣應劭曰在堂水之陽

安定

侯國

敬武

歷鄉

侯國莽曰歷聚

樂信

侯國

武陶

侯國

柏鄉

侯國

安鄉

侯國

常山郡

高帝置莽曰井關屬冀州張晏曰恒山在西避文帝諱故改曰常山

戶十四萬一千七百四十一口六十七萬七千九

百五十六

縣十八

元氏

沮水首受中丘西山窮泉谷東至堂陽入黃河莽曰井關

亭師古曰闕駟云趙公子元之封邑故曰元氏

石邑

井陘山在西汶水所出東南至屢陶入沘師古曰汶音效又音交沘音脂

又音丁計反其後亦同

桑中

侯國

靈壽

中山桓公居此禹貢衛水出東北東入庫池

山大白渠水首受縣曼水東南至下曲陽入斯汶應劭曰蒲水出中山蒲陰東入河

上曲陽

恒山北谷在西北有祠并

州山禹貢恒水所出東入寇莽曰常山亭應劭曰寇音疆

九門

莽曰久門

井陘

應劭曰井陘山在南音刑

房

子

贊皇山石濟水所出東至屢陶入沘莽曰多子師古曰濟音子詭反

中丘

逢山長谷渚水所出東至張邑入濁莽曰直聚

封斯

侯國

關

平棘

應劭曰伐晉取棘蒲也師古曰功臣表棘蒲侯陳武平棘侯林摯是則平棘棘蒲非

一地也應

訃

世祖即位更名高邑莽曰承成亭師古曰訃音呼各反

樂陽

侯國莽曰暢苗

平臺

侯國莽曰順臺

都鄉

侯國有鐵官莽曰分鄉

南行唐

牛飲山白陸谷滋水所出東至新市入漳池水

都尉治莽曰延億

清河郡

高帝置莽曰平河屬冀州

戶二十萬一千

七百七十四口八十七萬五千四百二十二

縣十四

清陽

王都

東武城

繹幕

應劭曰繹音亦師古曰李音弋尺反

靈

河水別出為鳴犢河東北至滎入屯氏河莽曰播師古曰滎音條其下亦同

晉

莽曰晉治應曰安帝以孝德皇后葬

于厓改曰甘陵也

郿

莽曰善陸師古曰音趨亦反

貝丘

都尉治應劭曰左氏傳齊襄公田于貝丘是

信成

張甲河首受屯氏別河東北至滎入漳水

想題

師古曰想古莎字

東陽

侯國莽曰胥陵

信鄉

侯國孟康曰順帝更名安平

繚

師古曰音良笑反

棗彊

復陽

莽曰樂歲

應劭曰音腹

涿郡

高帝置莽曰垣翰屬幽州

戶十九萬五千六百七

口七十八萬二千七百六十四有鐵縣二十九

涿挑水首受涑水分東至安次入河應劭酒莽曰酒彛師古曰穀

丘故安閭鄉易水所出東至范陽入濡也并州濡水亦至范陽

南深澤范陽莽曰順陰應劭豕虫吾師古曰容城莽曰

易廣望侯國鄭莽曰言符應高陽莽曰高亭應劭州鄉

侯安平都尉治莽樊輿侯國莽成侯國莽良鄉侯國垣

至陽鄉入桃利鄉侯國莽臨鄉侯國益昌侯國莽陽鄉侯

莽曰西鄉侯國莽饒陽應劭曰在中水應劭曰在易

中武垣莽曰垣翰亭應劭曰阿陵莽曰阿武侯國高郭

侯國莽親昌侯國勃海郡高帝置莽曰迎河屬幽

曰廣隄侯國

因以爲名戶二十五萬六千三百七十七口九十萬五千

一百一十九 縣二十六 浮陽莽曰浮城陽信

東光有胡蘇亭阜城莽曰吾城千童應劭曰靈帝改曰饒安重合 南皮

莽曰迎河亭師古曰鬬駟云章武有北皮亭故此云南定侯國章武有鹽官莽曰桓章中邑莽曰檢陰

高成都尉治也高樂莽曰爲鄉參戶侯國成平亭池河民曰徒駭河莽曰澤亭柳侯國

臨樂侯國莽曰樂亭東平舒師古曰代郡有平舒故此如東重平 安次

脩市侯國莽曰居寧應劭曰音條文安 景成侯國東州 建成

章鄉侯國蒲領侯國平原郡高帝置莽曰河平屬青州戶十五萬四千

三百八十七口六十六萬四千五百四十三

縣十九 平原有篤馬河東北入海五百六十里鬲平當以爲鬲津莽曰河平亭師古曰讀與隔同

高唐

桑欽言漂水所出師古曰漂音它合反

重丘

平昌

侯國羽曰羽貞般曰

分明如淳曰音面般之般韋昭曰音版師古曰爾雅說九河云鉤般耶璞以為水曲如鉤流般桓也然今其土俗用如韋之音

陵

都尉治莽曰美陽師古曰樂音來各反

祝阿

莽曰安成

瑗

莽曰東順亭

阿陽

漂陰

莽曰翼成應劭曰漂水出東武陽師古曰漂音它合反

枋

莽曰張鄉應劭曰音力

富平

侯國莽曰樂安亭應劭曰明帝更名厭次

安息

師古曰息古德字

合陽

侯國莽曰宜鄉

樓虛

龍頤

侯國莽曰清鄉師古曰今書本頤字或作額而崔浩云有龍頤村作額者非

安侯

○千乘

郡

高帝置莽曰建信屬青州應劭曰和帝更名樂安

戶十一萬六千七百二十

七口四十九萬七百二十

有鐵官鹽官均輸官

縣十五

千乘

有鐵官

東鄒

涇沃

莽曰延亭

平安

侯國莽曰鴻睦

博昌

時水東北至鉅

定入馬車瀆幽州窳滹應劭曰昌水出東萊昌陽臣瓚曰從東萊至博昌經歷宿水不得至也取其嘉名耳師古曰瓚說是

蓼城

都尉治莽

曰施武

建信狄

莽曰利居應劭曰安帝更名曰臨濟

琅槐

師古曰槐音回

樂安

被陽

侯國如淳曰一作疲音罷軍之罷師古曰音皮彼反

高昌

繁安

侯國莽曰死亭

高宛

莽曰常鄉

延鄉

濟南郡

故齊文帝十六年別為濟南國景帝二年為郡莽曰樂安屬青州

戶十

四萬七百六十一口六十四萬二千八百八十四

縣十四

東平陵

有工官鐵官

鄒

平臺

莽曰臺治

梁鄒

土鼓

於陵

都尉治莽曰於陸

陽丘

般陽

莽曰濟南亭應劭曰在般水陽師古

曰般

管

應劭曰音茲

朝陽

侯國莽曰脩治應劭曰在朝水之陽

歷城

有鐵官

獠

應劭曰音篋

蘇林曰音父

今東朝陽有據亭

著

師古曰音竹庶反又直庶反而韋昭

蔡蕃音由音鷄

師古曰蔡音是音于

虬反

宜成

侯國

泰山郡

高帝置屬兗州

戶十

七萬二千八十六口七十二萬六千六百四

有工官汶水出

萊母西入濟師古曰汶音問母與無同

縣二十四

奉高

有明堂在西南四里武帝元封

二年造博

有泰山廟岱山在西北求山上

莊

應劭曰莊山在東北音

盧

都尉治濟

北王都也

肥成應劭曰肥子國蛇丘

隧鄉故隧國春秋曰齊人殲于

剛

故闡

柔應劭曰春秋秋取鄆及闡今闡亭是也師古曰鄆音驪

柴

蓋

臨樂子山洙水所出西北至蓋入池水又所水南至

下邳入泗過郡五行六百里青州濰師古曰蓋讀如本字又音古蓋反洙音殊

梁父

師古曰以山名縣也父音甫

東平

陽南武陽

冠石山治水所出南至下邳入泗過郡二行九

菜

蕪

原山出水所出東至博昌入沛幽州濰又禹貢汶水出西南入沛汶水桑欽所言師古曰沛音子禮反

鉅平

有亭

祠應劭曰左氏傳陽虎入于

言

有鐵官師

牟

故國應劭曰附庸也師古曰春秋桓

十五年牟人來朝即此也

蒙陰

禹貢蒙山在西南有祠顯

華

莽曰寧陽侯

莽曰寧順

師古曰春秋莊公十五年公敗宋師于乘丘即此是也

富陽

桃山

侯國莽曰哀魯

桃鄉侯國莽曰鄭亭式齊郡秦置莽曰濟南屬青州戶十五萬四千八

百二十六口五十五萬四千四百四十四

縣十二臨淄師尚父所封如水西北至梁鄒入涉有服官鐵官莽曰齊陵應劭曰齊獻公自營丘徙此巨瓚

曰臨淄即營丘也故晏子曰始契鳩氏居之逢伯陵居之大公居之又曰先君大公築營丘之丘今齊之城中有丘即營丘也師古曰瓚說是也

築營之丘言於昌國德會水西北利莽曰利治西安莽曰東寧鉅定

營丘地築城邑馬車瀆水首尾受鉅定東北至琅槐入海廣為山濁水所出東北至廣饒入鉅定昭南

臨朐有逢山祠石膏山洋水所出東北至廣饒入鉅定莽曰監朐應劭曰臨朐山焉有伯氏駢邑師古曰朐音劬洋音祥北

鄉侯國莽曰馬聚平廣侯國臺鄉北海郡景帝中二年置屬青州戶

十二萬七千口五十九萬三千一百五十九

縣二十六營陵或曰營丘莽曰北海亭應劭曰師尚父封於營丘陵亦丘也巨瓚曰營丘即臨淄也

營陵春秋謂之綠陵師古曰臨淄營陵皆舊營丘地
劇魁 侯國莽曰上符
安丘 莽曰誅郅孟康曰今渠丘是

輒 侯國莽曰道德師古曰輒即執字
淳于 應劭曰春秋州公如曹左氏傳曰淳于公如曹臣瓚曰州國名也淳于公

國之
益 莽曰探陽
平壽 應劭曰故平壽禹後今平城是也臣瓚曰平壽在河南不在此也汲郡古文云

大康居平壽亦居之樂亦居之尚書序云大康失邦昆弟五人須于洛納此即大康所居為近洛也又吳起對魏武侯曰昔夏桀

之居左河濟右大華伊闕在其南羊腸在其北河南城為值之又周書度邑篇曰武王問大公曰吾將因有夏之居南塋過于三塗

北瞻望于有河有夏之居即河南是也師古曰應氏止云
劇 侯國

平是禹後耳何豫夏國之都平瓚說非也
都昌 有鹽
平望 侯國莽曰所聚
平的 侯國師古曰的音
柳泉 侯國

莽曰
壽光 有鹽官莽曰翼平亭應劭曰古平灌禹後今灌亭是
樂望 侯國
饒 侯國
斟 侯國故

禹
桑犢 覆轍山澆水所出東北至都
平城 侯國
密鄉 侯國
羊 侯國

後
石 侯國
樂都 侯國莽曰技龍一作枝也
石鄉 侯國一作止鄉也
上鄉 侯國
新成 侯國

侯國成鄉侯國莽膠陽侯國

東萊郡高帝置屬青州師古曰故萊子國也戶十萬三千二百九十二

口五十萬二千六百九十三 縣十七 掖莽曰腫掖通腫

有之果山祠居上山聲伴丹水所出丹平度莽曰黃利盧黃林萊君祠

東北入海師古曰腫音直瑞反伴音祥臨朐有海水祠莽曰監朐師古曰齊郡已有臨朐而曲成

意母臨朐東萊又有此縣蓋各以所近為名也斯類非一曲成

有參山萬里沙祠陽丘山治牟平莽曰東牟有鐵官鹽官 恆

水所出南至所入海有鹽官牟平望利東牟莽曰弘德 恆

有百支萊王祠有鹽育犁 昌陽有鹽官莽不夜有山日

官師古曰恆音堅育犁 昌陽曰風鬱亭不夜有山日

祠莽曰夙夜師古曰齊地記云古有日夜當利當利有鹽官莽盧

出見於東萊故萊子立此城以不夜為名當利曰東萊亭盧

鄉 陽樂侯國莽陽石莽曰徐鄉琅邪郡秦置莽

屬徐州師古曰戶二十二萬八千九百六十口一百七

填音竹人反

萬九千一百

有鐵

縣五十一

東武

莽曰祥善

不其

有

一僊人祠九所及明堂武帝所起如淳曰其音基

海曲

有鹽

贛榆

師古曰贛音紺榆音踰

朱虛

凡山丹水所出東北至壽光入海東泰山汶水所出東至安丘入維有三山五帝祠師古曰前言汶水出萊蕪入濟今此又言出朱虛入維將

桑欽所說有異或者有二汶水乎五帝祠在維水之上

諸

莽曰諸并師古曰春秋城諸及鄆者

梧成

靈門

有高梁山壺山澮水所出東北入淮師古曰原即柘字也語音吾

姑幕

都尉治或曰薄姑莽曰季睦應助曰左氏傳曰薄姑氏因

之而後大

虛水

侯國如淳曰虛音墟

臨原

侯國莽曰填夷亭

琅邪

越王句踐嘗治此起館臺有四

特祠師古曰山海經云琅邪臺在琅邪之東

枚

侯國師古曰音發

柜

根艾水東入海莽曰并侯枚同如淳曰音巨

如淳曰

却

膠水東至平度入海莽曰純德師古曰音夫又音扶

雩段

侯國師古曰雩音許于反段音工下反

黔陬

故介國也師古曰陬音子侯反

雲

侯國

計斤

莒子始起此後徙莒有鹽官師古曰即春秋左氏傳

所謂介根也

稻

侯國

阜虞

侯國莽曰盈廬

平昌

長廣

有萊山萊王祠

奚養澤在西秦地圖曰橫故山久台水所出東南至東武東莞

劇清地幽州藪有鹽管入淮莽曰令丘師古曰台音怡魏其

術水南至下邳入泗過郡三行七百一十里青州鄒孟康曰故鄆邑今鄆亭是也師古曰莞音官術水即沭水也音同

侯國莽昌有環山祠茲鄉侯國箕部三行五百二十里兖州鄒也

裨夜頭水南至海莽曰高廣侯國高鄉侯國柔侯國即來侯國莽

麗侯國武鄉侯國莽曰順理伊鄉侯國新山侯國高陽侯國昆山侯國

參封侯國折泉侯國折泉水北至莫入淮博石侯國房山侯國慎鄉侯國

駟望侯國莽曰冷鄉師古冷音零安丘侯國莽曰寧鄉高陵侯國莽曰蒲陸臨安侯國

莽曰誠信石山侯國。東海郡高帝置莽曰沂平屬徐州應劭曰秦鄒郡戶

三十五萬八千四百一十四口百五十五萬九千三百五十七 縣三十八 郯故國少昊後盈蘭陵

莽曰蘭東孟康曰襄賁莽曰章信應下邳葛嶧山在西方

次室亭魯伯是鐵官莽曰閏儉應劭曰邳在薛其後徙此故曰良成侯國莽曰

下臣瓚曰有上邳故曰下邳也師古曰瓚說是曰左氏傳所謂晉侯平曲莽曰平端戚鄭氏曰音憂戚胸秦始皇立石

會吳子于良即此是門闕有開陽故邾國莽曰厭虜師古費故魯季氏邑都尉

鐵官利成莽曰流泉海曲莽曰東海亭蘭祺侯國莽曰溥睦繒後莽曰

繒南成侯國山鄉侯國建鄉侯國即丘莽曰就信孟祝其禹

羽山在南鯨所臨沂厚丘莽曰祝其亭容丘侯國祠水東南

東安侯國莽曰業亭合鄉莽曰合聚承莽曰承治應建陽侯國莽

曲陽莽曰從羊應劭司吾莽曰息吾應劭曰子鄉侯國平曲

侯國莽曰端平都陽侯國應劭曰春秋齊人遷陽是陰平侯國郚鄉侯國莽曰徐亭

又音魚 **武陽** 侯國莽曰弘亭 **新陽** 侯國莽曰博聚 **建陵** 侯國莽曰付亭 **昌慮** 侯國

莽曰慮聚師古曰慮音廬 **都平** 侯國 **臨淮郡** 武帝元狩六年置莽曰淮平 **戶**

二十六萬八千二百八十三口百二十三萬七千

七百六十四 **縣二十九** **徐** 故國盈姓至春秋時徐子章禹為楚所滅莽曰

徐調 **取慮** 師古曰取音趨又音秋慮音廬 **淮浦** 游水北入海莽曰淮涯應劭曰淮涯 **盱眙** 都尉治莽曰武

臣應劭曰音吁怡 **朐** 莽曰秉義師古曰朐音仇 **僮** 莽曰成信 **射陽** 莽曰監淮亭應劭曰在射水之陽

開陽 **贅其** 師古曰贅音之銳反 **高山** 應劭曰亭山在東南 **睢陵** 莽曰睢陸師古曰睢

音雞 **鹽漬** 有鐵官 **淮陰** 莽曰嘉信 **淮陵** 莽曰淮陸 **下相** 莽曰從德應劭曰相水出

沛國故加下 **富陵** 莽曰擗虜 **東陽** **播旌** 莽曰著信 **西平** 莽曰永聚

高平 侯國莽曰成丘 **開陵** 侯國莽曰成卿 **昌陽** 侯國 **廣平** 侯國莽曰平寧 **蘭**

陽

侯國莽曰建節

襄平

侯國莽曰相平

海陵

有江海會祠莽曰亭間

輿

莽曰美德

邑

有鐘

樂陵

侯國

會稽郡

秦置高帝六年為荆國十二年更名吳景帝四年屬

江都屬揚州

戶二十二萬三千三百三萬二千

六百四

縣二十六

吳

故國周大伯所邑具區澤在西揚州數古文以為震澤南江在

南東入海揚州

曲阿

故雲陽莽曰風美

烏傷

莽曰孝

毗陵

季札所居北江在北

東入海揚州川莽曰毗壇

餘暨

蕭山潘水所出東入海莽曰餘衍應劭曰吳王闔閭弟夫槩之所邑

師古曰應說非也暨音既

陽羨

諸暨

莽曰疏虜無錫

歲祠以牛

山陰

會稽山在南上有禹冢禹井揚州山越王句踐本國有靈文園師古曰靈文侯薄太后父

丹

徒

師古曰即春

餘姚

婁

有南武城闔閭所起

上虞

有仇亭柯

水東入海

海鹽

故武原鄉有鹽官莽曰展武

剡

莽曰盡忠師古曰音上冉反

由拳

柴辟故就

李鄉吳越戰地應劭曰古之携李也師
大末穀水東北至錢唐吳江

如古曰拳音權辟讀曰壁推音子逐反
烏程有歐陽亭師古
句章渠水東入海
餘杭莽曰進睦孟康曰杭音行伍之行

鄞有鎮亭有鮒埼亭東南有門水入海有越天門山莽曰謹師古
鄞音牛斤反鮒音結蚌也長一寸廣二分有一小蟹在其腹中

埼曲岸也其中多鮒故
錢唐西部都尉治武林山武林水所出
鄧以名亭埼音鉅依反

康曰音質
富春莽曰治師古曰李
回浦南部都尉治

丹揚郡故鄣郡屬江都武帝元封二年更名丹揚屬揚州
戶十萬七千五百四

十一口四十萬五千一百七十有銅
縣十七

宛陵彭澤聚在西南清小西北
於越師古曰替音潛
江乘莽曰相武
春

穀秣陵
故鄣莽曰侯望師古曰鄣音章
句容
涇韋昭曰涇水出毋湖

丹楊楚之先熊繹所封
石城分江水首受江東至餘姚
胡孰

陵陽

桑欽言淮水出東南北入大江

蕪湖

中江出西南東至陽羨入海楊州川

黟

漸江水出南蠻夷中東入

海成帝鴻嘉二年爲廣德王國莽曰愬虐師古曰黟音伊字本作黔其音同

溧陽

應劭曰溧水所出南湖也師古曰音

栗

都尉治師古曰音攝

宣城

豫章郡

高帝置莽曰九江屬揚州

戶六

萬七千四百六十二口三十五萬一千九百六十

五縣十八

南昌

莽曰且善

廬陵

莽曰彭澤禹貢彭蠡恒亭去宜澤在西

鄱陽

武陽鄉右十餘里有黃金采鄱水西入湖漢莽曰鄉亭孟康曰鄱音婆師古曰采者謂采取金之處

歷陵

傳易山傳易川在南古文以爲傳淺原

莽曰蒲亭師古曰傳讀曰敷易古陽字

餘汗

餘水在北至鄡陽入湖漢莽曰治干應劭

曰汗音千師古曰鄡音口堯反

柴桑

莽曰九

艾

脩水東北至彭澤入湖漢莽行六百六十里莽曰治翰章

水出西南北入大江如淳曰音感

新淦

都尉治莽曰偶亭應劭曰淦水所出西

建成

蜀水東至南昌入

宜春

南水東至新淦

城

肝水西北至南昌入湖漢師古曰肝音香干反

建成

湖漢莽曰多聚

宜春

南水東至新淦

入湖漢莽

海昏

莽曰宜生師古曰即昌邑王賀所封

雩都

湖漢東至彭澤入江行千九百八十里師古曰

音

鄴陽

莽曰豫章

南檟

彭水東入湖漢

安平

侯國莽曰安寧

桂陽郡

高帝置莽曰南平屬荊州

戶二萬八千一百一十九口十五萬六

千四百八十八

有金

縣十一

郴

東山來水所出西至湘南入湖項羽所立

義帝都此莽曰宣風師古曰柳音丑林反未音郎內反

臨武

秦水東南至湏陽入匯行七百里莽曰大武師古曰湏音

大吏反又音貞

便

莽曰便

南平

禾陽

春山春水所出北至入湖過郡二行七

百八十里莽曰南平亭師古曰在來水之陽也郵音靈

桂陽

匯水南至四會入鬱過郡二行九百里應劭曰桂水所出

東北陽山

侯國應劭曰今陰山也師古曰下自有陰山應說非也

曲江

莽曰除虜

含沚

曰沚水所出東北入沚

湏陽

莽曰基武應劭曰湏水出南海龍川西入秦

陰山

武陵郡

高帝置莽曰建平屬荊州

戶三萬四千一百七十七

口十八萬五千七百五十八

縣十三

索

漸水東入沅應

劭曰順帝更名漢壽如淳曰音繩索之索師古曰沅音元

孱陵

莽曰孱陸應劭曰孱音踐師古曰音仕連反

臨沅

莽曰監原應劭曰沅水出牂柯入于江

沅陵

莽曰沅陸

潭成

康谷水南入海玉山潭水所出東至阿林入鬱過郡

二行七百二十里應劭曰潭水所出東入鬱音淫孟康曰譚音譚師古曰孟音是

無陽

無水首受故且蘭南入沅八百九十

里師古曰且音子余反

遷陵

莽曰遷陸

辰陽

三山谷辰水所出南入沅七百里

出東入沅

酉陽

應劭曰酉水所出東入湘

義陵

卿梁山序水所出西入沅莽曰建平師古曰卿音敷

很

山

孟康曰音恒出藥草恒山

零陽

應劭曰零水所出東南入湘

充

酉原山西水所出南至沅陵入沅行千二

百里歷山澧水所出東至下雋入沅過郡二行一千二百里師古曰澧音禮雋音辭究反

零陵郡

元鼎六年置莽曰九疑屬荊州

戶二萬一千九十二口十三萬九千

三百七十八

縣十

零陵

陽海山湘水所出北至酃入江過郡二行二千五百

三十里又有離水東南至廣信入鬱林行九百八十里

營道

九疑山在南

始安

夫夷

營浦

都梁

侯國路山資水所出東北至益陽入沅過郡二行千八百里

冷道

莽曰冷

曰冷水出丹陽宛陵西北入江臣瓚曰宛陵在豫章北界相去三千里又隔諸水不得從下逆至冷道而復入江也師古曰瓚說是

冷音

泉陵

侯國莽曰溇閭

洮陽

莽曰洮治如

鍾武

莽曰鍾桓應劭曰今重安

漢中郡

秦置莽曰新成屬益州

戶十萬一千五百七十口三

十萬六百一十四

縣十二

西城

應劭曰世本驍虛在西北舜之居

旬陽

北山旬水所出南入沔

南鄭

旱山沔水所出東北入漢

褒中

都尉治

房陵

淮

淮水所出東至中廬入沔又有蒧水東至筑陽亦入沔

安陽

水出

西南北入漢在谷水出北南入漢

成固

沔陽

有鐵官應劭曰沔水出武

師古曰蕭音潛其字亦或從水
都東南入江如淳曰此方人謂漢水
為沔水師古曰漢上曰沔音莫錢反
錫古曰即春秋所謂錫穴

武陵

上庸

長利

有鄭關師古曰音云

廣漢

郡高帝置莽日就都屬

益州戶十六萬七千四百九十九口六十六萬二千

二百四十九

有工

縣十三

梓潼

五婦山馳水所出南入涪行五百五十里

莽曰子同應劭曰潼水所出南入墊江墊音徒決反師古曰潼音童涪音浮

汁方

莽曰美信應劭曰汁音十

涪

亭莽曰統睦應劭曰涪水出廣漢南入漢

名

章小離水所出南至新都谷入涪有

涪

竹

紫巖山縣水所出東至新都北入雒都尉治

廣漢

莽曰廣信

葭明

應劭曰音家音師古曰明音萌

郫

師古曰音妻又音千私反

新都

郫氏道

白水出徽外東至葭明入漢過郡一行九百五十里

莽曰致治李奇曰甸音膳師古曰甸音食證反

白水

應劭曰出徽外北入漢

剛氏道

涪水出徽外南至墊

江入漢過郡二行千六十九里

陰平道

北都尉治莽曰摧虜

蜀郡

秦置有小江入并千九百八

十里禹貢桓水出蜀山西南行羌中入南海莽曰導江屬益州

戶二十六萬八千二百七

十九口百二十四萬五千九百二十九 縣十五

成都 戶七萬六千二百 郫 禹貢江沱在西東入大江師 繁 五十六有工官 古曰郫音疲沱音徒何反

廣都 莽曰就 臨邛 僕千水東至武陽入江過郡二行五百一十里有鐵官鹽官莽曰監邛應劭曰邛水出嚴

道邛來山 青衣 禹貢蒙山谿大渡水東南至南安入湔應 江原 東入青衣 劭曰順帝更名漢嘉也師古曰湔音哉

邛水首受江南至武陽入江 嚴道 邛來山邛水所出東入 緜虎 莽曰邛原應劭曰邛音壽 青衣有木官莽曰嚴治

玉壘山湔水所出東南至江陽入江過郡三行千 旄牛 鮮水出徼

八百九十里應劭曰虎音斯師古曰湔音子千反 徙 師古曰 湔氏道 禹

水若水亦出徼外南至大笮入繩過郡 汶江 徼水出徼外南

嶮山在西徼外江水所出東南至江都入海過 廣柔 焚曰 犍為郡 武帝建元六年開莽曰西順

過郡三行三千四十里江沱在西 戶十萬九千四百一

南東入江師古曰沱音徒何反 焚曰西順 屬益州應劭曰故夜郎國

十九口四十八萬九千四百八十六 縣十二

棘道 莽曰棘治應劭曰故楚侯國也音蒲北反 江陽 武陽 有鐵官莽曰戡成 南安

有鹽官 資中 符 溫水南至營入黠水黠水亦南至營入江莽曰符信師古曰營音蔽又音鼈黠音紀炎反

牛鞞 孟康曰音髀師古曰音必爾反 南廣 汾關山符黑水所出北至棘道入江又有大涉水北至符入江過郡三行

八百四十里 漢陽 都尉治山關谷漢水所出東至營入延莽曰新通師古曰關音它孟反 郁郅 莽曰辱

曰郅音莫亞反辱音仕連反 朱提 山出銀應劭曰朱提山在西南蘇林曰朱音銖提音時北方人名匕曰匙 堂琅

越雋郡 武帝元鼎六年開莽曰集雋屬益州應劭曰故郾都國也有雋水言越此水以章休盛也師古曰雋音先蔡反

戶六萬一千二百八十萬八千四百五

縣十五 邛都 南山出銅有邛池澤 遂久 繩水出徼外東至棘道入江過郡二行千四百里 靈

關道 臺登 孫水南至會無入若行七百五十里應劭曰今日臺高 定笮 出臚步北澤在南都

尉治師古曰苻音才各其下並同

會無東山出碧苻秦

大苻

姑復

臨池澤在南師

古曰復音扶目反

三絳

蘇示

尼江在西北師古曰示讀曰祗尼古夷字

闌

師古曰音蘭

卑水

孟康曰音班

溝街

師古曰溝音潛又音才心反其下亦同

青岭

臨池溝在北僕水出徼外由東南至來惟入勞過郡

二行千八百八十里則禺同山有金馬碧雞應劭曰青岭水出西東入江也師古曰岭音零禺音愚

益州郡

武帝元封二年開莽曰就新屬益州應劭曰故滇王國也師古曰滇音顛其下並同

戶八萬一千九百

四十六口五十八萬四百六十三

縣二十四

滇池

大澤在西滇池澤在西北有黑水祠

雙柏

同勞

銅瀨

談虜山迷水所出東

至談藁入溫

連然

有鹽官

俞元

池在南橋水所出東至母單入溫行千九百里懷山出銅

收靡

南山

臘涂水所出西北至越雋入繩過郡二行千二十里李哥曰靡音麻即升麻殺毒藥所出也師古曰涂音途

穀昌

秦臧

牛蘭山即水所出南至雙柏入僕行八百二十里

邪龍味

孟康曰音味

昆澤

葉榆

葉榆澤在東貪水首受青蛉南至邪龍

律高

西石空山出錫東南監町

山出銀鉦師古曰監

不韋

雲南

雋唐

周水首受微外又

音呼鵠反町音挺

行六百

弄棟

東農山母血水出北至三

比蘇

師古曰比

賁古

北

五十里

山出錫西羊山出銀鉦南

母掇

橋水首受橋

山東至中留入潭過

鳥山出錫師古曰賁音奔

概師古曰母讀與無同

勝休

河水東至母掇

建伶

應劭曰

來

撮音之悅反其字從木

唯

從陟山出銅勞水出微外東至糜伶入南海過郡三

行三千五百六十里

師古曰陟音胡工反伶音零

胡工反伶音零

音零

音零

牂柯郡

武帝元鼎六年開莽曰同亭有柱蒲關屬益州應劭曰

襄王時遣莊驕伐夜郎軍至且蘭

夜郎以且蘭有桀船牂柯處乃改其名爲牂柯牁音弋

戶二萬

四千二百一十九口十五萬三千三百六十

縣十七

故且蘭

沅水東南至益陽入江過郡二行二千五百三十里應劭曰故且蘭侯邑也且音直

師古曰音 **鐔** 封 溫水東至廣鬱入鬱過郡二行五百六十里師古曰鐔音尋又音淫 **氈** 不狼山氈水所出東

入沅過郡二行七百三十里孟 **漏卧** 應劭曰故漏卧侯國 **平夷** **同立**

康曰氈音驚師古曰音不列反 **應劭曰故同立** **談指** **宛溫** 師古曰宛音於元反 **毋斂** 剛水東至潭中入潭莽曰有斂師古

侯邑並音伴 **夜郎** 豚水東至廣鬱都尉治莽曰同亭應劭曰故夜郎侯邑 **毋單** 師古曰毋讀與無同單音丹

漏江 **西隨** 糜水西受徼外東至糜伶入尚 **都夢** 壺水東南至糜伶入

尚龍谿過郡二行 **談豪** 師古曰豪音工老反 **進桑** 南部都尉治有關 **句町** 文象水東至

增食入鬱又有盧唯水來細水伐水莽 **巴郡** 秦置屬益州應劭曰左氏

曰從化應劭曰故句町國師古曰音劬挺 **巴子使韓** **戶十五萬八千六百四十三口七十萬八**

服告楚 **千一百四十八** **縣十一** **江州** **臨江** 莽曰枳如

曰音徒或音抵師 **閬中** 彭道將池在南彭道魚池 **墊江** 孟康

古曰音之爾反 在西 **墊江** 孟康

重疊

胸忍

容母水所出南有橘官鹽官師古曰胸音劬

安漢

是魚池在南莽曰安新

宕渠

符特山在西南潛水西南入江不曹水出東北南入瀾徐谷師古曰宕音徒浪反

魚復

江關都尉治有橘官應劭曰復

音腹

允國

涪陵

莽曰巴亭師古曰涪音浮

地理志上第八

